

濟北晁先生雞肋集目錄

第十三卷

古詩

同魯直文潛飲刑部杜君章家次封丘杜

觀仲韻

次韻校書孔彥常校資治通鑑作

次韻蘇翰林廐馬好頭赤

送劉景文兩浙西路都監

余舊與劉同官北門

送直閣杜君章守齊

次韵文潛瞻啓聖院旃檀像

送外舅杜侍御自徐州移使陝西

次韵文潛憶楊翰林元素家淮上夜飲作

贈麻田山人吳子野

送北京學生曹慈明之京師

東坡先生移守廣陵以詩往迎先生以淮

南旱書中教虎頭祈雨法始走諸祠卽

得甘澤因爲賀

至日同文潛舍人飲錢京兆穆父龍圖家

送李端叔從定州先生辟

和文潛期飲穆父家兼呈穆父

和東坡先生梅花三首

和王定國二首

次韵蘇門下寄題雪浪石

次韵和趙令僉防禦春日感懷

次韵和文潛暮春卽事

用谷字韵荅提刑孔毅父治河橋

次韵孔毅父種花因送海棠廳三大字求

茶

再用治橋韵奉送毅父按部將行

濟北晁先生雞肋集目錄

終

濟北晁先生雞肋集卷第十三

古詩

羣公同魯直文潛飲刑部杜君章家次封丘杜觀

仲韵

廷尉風流才絕塵最憐高髻歌陽春兩鬟亦解倚

瑟語催送花前紅袖舞黃張翰墨海內名席上生

風清夏宇封丘自倚筆勢豪不怕當筵賦鸚鵡對

酒含情古所憐樂事幾時如過雨阮公鑪邊不擬

歸陸郎班騅無用嘶長燈照出簾幙外缺月墮落

奚月集
卷之十三
藩牆西斗酒雙魚何足貴李侯氣許山東吏正須
新麪雜青槐千里紫尊江上來長船刻玉流霞動
快引不須帆櫓送自作新詞碧牡丹箸擊盃翻釵
墜鳳芍藥佳名聞管人滿插不辭歸帽重倒床任
作鼻鳴雷屋上啼鳥還喚夢知州春雨景亦無
次韵校書孔彥常校資治通鑑作

羣公愛我邀我居平生文舉情豈疎鈞陳玄武在
北極上帝之府森圖書趙韓魏降顯德尾司馬蟬
媯世良史其人不見其言在青草生原歲陽止吾

君好學由生知成湯得尹方有爲應合它年尹躬
學書成泣像麒麟閣

只今次韵蘇翰林廢馬好頭赤

君不見崑崙龍種非凡肉不但蹄高耳批竹區區
吳蜀有二駿跳過斷橋飛出谷萬蹄縱牧原野赤
汧隴收駒日復日未須天廐驚好頭冀北未空聊

一歷人來問耳是亦高聲無早醉隨處有風人

蘇州送劉景文兩浙西路都監

余舊與劉同官北門

劉侯八尺力如虎遣守黃河千里堤閉門寒郊似

淡隱蟲響秋巷牆懸黎我官北門四換歲訪飲屢
過城濠西雁飛不到建章闕欲往何異車無輓詩
篇驚人衆側耳蚤有高譽無卑栖詔綏兵馬吳八
郡畫船下汴光生蜺西湖靈隱天下冠幽人釋子
多招提松林竹塢我行地拂拭定有塵埃題山堂
清酒小泥赤吳歌白紵雙蛾低少年放意入雲水
只今塊坐愁冠笄君行日夜向佳景洞庭霜落羞
觸鱗莫誇能飴便鞍馬閩琛海賚通蠻谿時平游
宦行樂耳屬有佳客須頻攜明年我亦丐一邑扁

舟上隨鳧鷖

送直閣杜君章守齊

杜公文史不讀律平反世稱徐有功官爲列卿位
亦顯臯陶事與禮樂同書生骯髒笑法令弦歌不
媿陵陂中衆賢和豫治乃舉但願主聖朝廷公白
頭典按漢天祿未煩載酒如揚雄自言臣老應報
國五馬便去如飛鴻京東耳聞事可數似說振貸
倉儲空裕民誠患力不足措國豈與民俱窮才難
所要遇事子仁厚未免無能蒙囊中食玉百未試

干越在匣光生虹却嗟鈿槩坐棄日伊我何補羞
兒童力能如虎安敢爾鬢毛幸未成老翁亦息一
郡効尺寸官卑未許伸喉嚨飽知世事祇坐嘯又
看馬鬣吹西風平生放意在雲水落身塵土禽閉
籠經時無酒對佳客借與歌舞開心胸公行媯曼
載雙舸誰與客勸琉璃鍾

林公次韵文潛瞻啓聖院旃檀像

至人如幻千億身若以色觀皆世人大千初自一
漚發變化誰能知本因移天宮殿著人世斷取無

異陶家輪當年紫磨已殊勝後來浮海亦有神緬
懷此地初啓聖真人繼出天下春莊嚴事祕理莫
測萬世鎮守無陳新寶坊千柱衆八百衣食隨念
何由貧天寒急景過駒隙坐穩不去同鷗蹲歸來
想像發光影一洗百慮無餘塵

送外舅杜侍御使陝西自徐州移作

建隆以來論人物得士與古相低昂人才歷數仁
祖世後生嵬瑣無復望老成寂莫典刑在杜公玉
立映班行少時學問聖賢說松柏歲寒觀老節得

官烏府不須臾正色空聞動帷闥鑠金衆口未必
然天與名城慰蕭屑王師項縛山西酋朝廷却懷
西顧憂涼州旄鉞何足恃歧隴須公勤傳郵平生
經國有雅意桀流得坎惟所值作官施設要近民
金馬嚴徐等兒戲詔書寬大人樂生吏安爲弛威
不行金城邨可無粟守堯舜與民寧竝耕茶鹽資
國何必古俗儒徇名不知務精神折衝在本疆要
以雍容在蒼遽知無不爲公自期豈第君子神所
私秦山渭水照車馬屬城列縣觀威儀此行屬任

良不惡金魚新佩明光墀誰言直諫居內少淮南
盜鑄煩撫綏時平王度日金玉歲晚汲公還見思

次韵文潛憶楊翰林元素家淮上夜飲作

老人得坐安若山畏寒縮頸衣裘間不如公子擁
樽酒詩材春亂詞濤翻想見楊家美人出玉面朱
脣映琴瑟冰船著炬光照淮雪亂風筵飲方逸只
今愁坐私自憐寒書凍硯塵滿前人生何者非昨
夢還如歸去散花天老人已復形槁木真幻邨知
然不然蚓鳴小鼎藜羹熟閉眼圓蒲不是禪

贈麻田山人吳子野

余見待制李公誠之於汶上蘇密州在焉始聞

子野名

汶陽我管見蘇李人言吳子歸未幾長嘯春風大
澤西却望麻田山萬里不逢鄭老溪上箭欲致朱
公路傍米今年窮巷絲生髮馬尾吹風化衣袷定
知赤鯉騫波濤何意黃冠驚僕妾琅函萬過陰魄
悲心無丹白鑪生兒山中種芝豈無侶成都醉眠
未當去願從王烈或見呼試訪孫登竟無語棄家
內愧非此流此身天地一虛舟未應齒豁塵埃裏

乞與青精救白頭

送北京學生曹慈明秀才之京師

魏武子孫今寂莫唐來只有畫將軍鄴城初見黃
須面尚喜登堂詞若雲乃公白首圖籍裏小心恐
懼教其子文章錦心仍繡腑屠龍殫家安用許半
年繫船康海門官忙不共持一樽岡頭梨花吹欲
盡淮口汴流來正渾鄙夫日欲向吳越官滿一封
飛魏闕著書虎觀未敢言蔽身蟬葉真癡絕

東坡先生移守廣陵以詩往迎先生以淮南

早書中教虎頭祈雨法始走諸祠卽得甘澤
因爲賀

去年使君道廣陵吾州空市看雙旌今年吾州歡
一口使君來爲廣陵守麥如櫛髮稻立錐使君憂
民如已飢似聞維舟禱靈塔如絲氣上淮西睢隨
軒膏澤人所待風伯何知亦前戒虎頭未用沈滄
江龍尾先看掛清海爲霖功業在傳巖如何白首
擁彤幟世上讒夫亂紅紫天教仁政滿東南青袍
門人老州佐于世無成志消情封章去國人恨公

醉笑從公神許我瓊花芍藥豈易逢如淮之酒良
不空一醕孤鴻煙雨曲平山堂上快哉風

一贊至日同文潛舍人飲錢京兆穆父家

大尹孤標琢崑玉舍人骨相飛食肉弊裘羸馬愧
我寒喚飲東齋散膚粟少時獨識孔文舉不交餘
子平生足尹門如市立相躡尹心如水清可掬鄰
無惡少歸醉臥不遣長鬚訟騎屋閉門不出三日
雪冷坐西軒花眩目未妨詩句敵青春痛飲何由

髮還綠

送李端叔從定州先生辟

中山老師巖廊姿不用猶作諸侯師毛錐變化有
風雨餘事亦足疲羣兒龍門爭鶩貨趨肆求貨安
知於此市百年用舍我何有一語重輕人取是李
君懷璞世又嗤世人不寶公收之乃知士固伸所
知黃金鑄作鍾子期不如晏子共一時時平關鍵
一臂持於何用此賓主爲鞭長未可施馬腹要以
高名讐殊俗應戴接離攜葛疆笑談過市人隘坊
勿憶平山如峴首它日我名同不朽有年公管但

吟詩無事君今姑飲酒只憂我似蠹書魚無復驤
首鳴鹽車一麾儻許從方伯要著韎韐親丈席登
臨相與看劉公長嘯犬羊空漠北

合和文潛期飲大尹穆父家兼呈尹

野人骯髒無與鄰世人共笑子獨親沛然有餘不
矜飾我亦謂子誠可人萬魚噉喁困復却看子撒
揆黃金鱗人甘如醴飲者醉我獨蜚口如薑辛淮
南歸來兩鬢雪閉門自不羞甌塵無衣可換江頭
醉有誰肯載樽中醇愧慙救渴京兆尹空缸尚可

供十巡放言與子一傾倒非子畏人嫌我真府中
貴人玉比德堂下和氣天回春醉人多忤貴人怒
來呼莫憚衝泥頻

和東坡先生梅花三首

霜晴十月玉溪村見梅開早客迷魂山阿若有人
含睇跋望不到霜煙昏東西野寺通兩徑上下竹
籬開一園落身麴蘖盆盎裏晨坐對花無酒溫
來山月照玉蕊一盃徑臥東方暎羅浮幽夢入仙
窟有屨亦滿先生門欣然得句荔支浦妙絕不似

人間言詩成莫歎形對影尚可邀月成三樽

幽閑合出昭君村芳潔恐是三閭魂無人嶺上更
儂好不與俗花名合昏蒼官森出劔珮列甲夫密
裹旗槍園數株臨水欲仙去一笑向人如玉溫火
維草木百名字十月不冷常炎暎同心紫蒂宜上
苑啄人虎豹司九門借令驛使能遠致要比桃李
終無言豈惟千里共明月亦可千里同芳樽
梅花落盡上饒村腸斷子規啼月魂慰人獨有白
玉蕊不到窗前只醉昏坐鑪環甕不舉首浮花浪

蕊空滿園海山有客心似水揮塵自散炎洲溫松
風亭下亦如夢不見枝雪流初暎孫登一絃百韻
足有山便足同蘇門似聞對客但長嘯獨謂此花
終日言一篇尚可三致志聽人酌去如衢樽

和王定國二首

可憐好月如好人我欲招之入窗戶人言明日當
大暑君看繁星如萬炷想君映月讀書時清似列
仙臞不肥我正甘眠愁日出朝騎一馬莫還歸
還朝便與山水疎只有此月隨吾居莫論人隔十

日面猶勝犬傳千里書清虛有物濯煩暑藤床對
月如對雨賦成鴻雁入周詩未覺宣王似吾主

次韵蘇門下寄題雪浪石

居庸滅烽惟畱屯時平更覺將軍尊鈴齋看雪擁
衲坐急鼓又報邊城昏百壺高宴黎粟圓千里未
盡桑麻村天憐公老無以樂一星飛墮從天門得
無遺履穀城化恐是喫草金華魂不然荆棘霜露
底兀然奇怪來無根女媧擣鍊所遺棄奔淥尚有
河漢痕豈其謀國坐不用聊以永日寧復論跳梁

不憂牧竝塞綏納可使魚游盆公歸廊廟誰得挽
此石萬古當長存

次韵和趙令僉防禦春日感懷

春塍雪消龜兆圻凍柳冰蒲俱好色走馬城東眼
乍驚可憐前日非今日結交從古天地間百年誰
見一人閒王城塵土化衣袷五鼓驅車休夜闌况
我崎嶇二三子聖恩釋累從甌蠻雄豪久鍛酒量
窄奕懦新長詩辭慳王孫物外有高興數攜王趙
兩紅顏上書自去千牛衛挂席欲過三神山灰餘

方烈竈下響霧廓初見岩中斑醉吟誰共可憐春
江南太守舊詩人賡酬不減笙磬苔秀發更爲煙
霞新萬卷藏書韋杜曲憶子陳詩一言足得意鱸
魚故未饜多情桃葉應相逐努力閒平盛世名歸
及春風雙鬢綠

次韵和文潛莫春卽事

南歸見君百事足如何一官曾不閑寒衝雪泥暑
鄣日老面只今如纈斑憐君與我自同調久滌不
食猶寒泉功名櫟社直寄耳顏色不同誰後先黑

牛白犢未渠怪物理儻自相回旋愛君此語亦不
出勝處紫芝眉宇間飲中八人半寂莫最豪焦遂
今誰班凝祥池上舊游處海棠亦恐非管年春波
一眼詩句好兩腋尚覺風翩翩投閑方轡政可勉
何用不飲空三歎

用谷字韵荅提刑毅父治河橋平過對谷韻
兩堤馬頭高作山兩津車路淡成谷截川天矯莫
虹背排浪參差動蛟足七牛蹴河猶怒目一牛從
能平往不復借牛使河此聖時強飲不須求馬玉

次韵孔毅父種花因送海棠廳三大字求茶
東園老槐春不發舉頭只見中條雪江梅去國亦
悽然一萼聊堪映庭月未信河灘宜海棠十株立
致非所望爲君大字書堂榜報我區中越焙香

再用治橋韵奉送毅夫按部將行

降羌當有甲齊山叛虜應無馬量谷莫憂斗米千
錢貴自可航河一葦足繡衣不但捕羣偷赦書蠲
租亡者復知君勞倦神亦充白髮何妨面如玉

東園
 謝然
 姪非
 再
 濟北晁先生雞肋集卷第十三
 東園
 謝然
 姪非
 再
 濟北晁先生雞肋集卷第十三
 東園
 謝然
 姪非
 再
 濟北晁先生雞肋集卷第十三

濟北晁先生雞肋集目錄

第十四卷

古詩

再用發字韵謝毅父送茶

贈常州感慈邦長老

大通門人

及第東歸將赴調寄李成季

復用前韵荅明略并呈魯直

復用前韵荅魯直并呈明略

復用前韵并荅魯直明略且道見招不能

復用前韵并答魯直用韻且並良跡不韻

復用前韵答唐公唐公有一日紙貴傳都

城之句且訟其不知我也并呈魯直成

次季明略

復答唐公并呈魯直成季明略

復用前韵呈明略

家池雨中二首

再用韵和陳伯比二首

用寄成季韵呈魯直

復用前韵遣懷呈魯直唐公成季明略

復用前韵答十五叔父任城相會見和詩

任城有李白舊游處錄於詩中

聞文潛出試縣約毅父尋春

次韵唐美述志

湯村逢陳安性

過熊耳山

送公為之淮南

即事呈閔中順之二年兄二首

順之將攜室行而苦雨用前韵戲之

飲謝公輔家

以蒼陵谷引水記呈毅父惠詩次韵

春雪監中卽事二首

晚春二首

示張仲原秀才二首

村居卽事

夏夜雨意

蒲萄

謾成呈文潛五首

試院中秋

直廬聯句

濟北晁先生雞肋集目錄 終

濟北晁先生雞肋集卷第十四

古詩

再用發字韵謝毅父送茶

開門覩雉不敢發
滯思霾胸須澡雪
煩君初試一槍旗
救我將隳半輪月
不應種木便甘棠
清風自是萬夫望
未須棄此蓬萊去
明日論詩齒頰香

贈常州感慈邦長老

大通門人

君不見大通方丈空
無物亦不拈椎并
豎拂本原自性未
出喉已向頂門遭
一咄感慈神駿渥
洼流

壁上高僧莫遣酬霹靂一聲龍破柱此中何處有
裴休

及第東歸將赴調寄李成季

先輩觀濤滄海口長嘯橫槎拂牛斗野人醉著夢
游天九門歷盡驚復還嘈嘈廣樂猶盈耳出門依
舊重人間不知先輩今何往仙標玉骨天應賞千
里東歸算景清桑麻暗地日銜城黃金宮闕初回
望青草恩袍偶自榮歸來澣濯親甘旨却歎京塵
誤遊子家人餽黍慰辛勤鄰媪壺漿佐歡喜君不

見馮驩一劍星闌干短歌慷慨不堪彈男兒得意
貴穎脫功名有分勞躋攀折腰正爲五斗米得飽
約君尋故山

復用前韵荅明略并呈魯直

廖君憤世談刺口人言寧食蔥三斗軒然羈鼻頤
隱肩日日醉市驅驢還我初目病視髣髴望君有
異大人間新豐兩行惜不上竹林風來虛自賞俯
頭落筆千人驚一戰取齊餘兩城田生龍甲賴束
葦詭勝尾熱安知榮盈盈府中誰憐此爲君愧慙

黃夫子論功欲識非戰罪試使暗噫走揚喜君不見方朔高才良獨難割肉要令生自彈北軍給食誰致爾羊求平管安能攀偶然棒檄忽擲板鳥自知還雲出山

復用前韵荅魯直并呈明略

黃子人談不容口豈與常人計升斗文章屈宋中阻艱子欲一身追使還離騷僚慄悲草木幽音細出芒絲間陽春絕句自雲上折楊何煩嗑然賞橫經高辯一室驚乍似遠人迷廣城隔河相和獨許

我枯枿亦有條之榮廖君不但西南美誰見今人如是子多髯府掾正可詭蠻語叅軍寧素喜君不見古來皆醉餽糟難沐浴何須仍振彈斲冰無處用蘭拽芙蓉木末安能攀只無相報青玉案自有平子愁關山黃子復用前韵并荅魯直明略且道見招不能往只大復用前韵并荅魯直明略且道見招不能往銅斗承糟醉張口口和漁陽拍銅斗去年拋却青竹竿女須嬋媛呼我還我初不解世中語淡面邴久王侯間未須頭出千人上要有廖君黃子賞竹

林清風前日主豫章冥冥雲擁城二人不來草木
長帶缺陸離誰與榮步行奪馬從此起談笑封侯
誰氏子平生不識笳鼓悲虛讀君詩舍然喜君不
見大賢遠抱與俗難何須酒盤柔指鳴哀彈二人
高韵已廖廓黃鵠之飛邨得攀繩橋可度見可喜
家貧馬骨高三山安所攀只無所遊商山采日
只古復用前韵荅唐公唐公有一日紙貴傳都城
賦之句且訟其不知我也并呈魯直成季明略
諸公辯壯懸河口唾落紛紛珠百斗井陘酣戰我

已慳赤幟忽立無由還唐公斷後不容北腹背未
殊秦宛間明光侯印懸天上下有死夫緣重賞書
生懦志安足驚饑死索米長安城獻君賜帛等優
笑覆醬未知傳紙榮泮宮先生誠國士可是同年
予二子雜吟未減聽匏竹能使窮愁發孤喜君不
見新聲欲至舊聲難十指勞君千萬彈平生不遇
感知已過此身外誰能攀它年常侍幸見訪不因

豆落悲南山三益數天可無人快好意
復荅唐公并呈魯直成季明略商山采日

窮邦無以餽吾口歲歲荒山收橡斗商歌白石不
勝寒非爲荊州三往還天下無人知我意得君相
合一言間三書丞相何煩上再見客卿寧用賞願
聞關中季布名何得此聲梁楚城論心四子誰許
我百金一諾茲爲榮唐公才非今世士不見聖人
見君子我今正似逃虛空聞人楚然已心喜君不
見玉川月蝕詩律難不獨蝦蟇遭罵彈憑陵百怪
付公等青天蜀道谷攀宅時鄒湛名亦好常在
我知因峴山立無

復用前韵呈明略

茅焦逆許磨虎口何似淳于飲一斗終軍藥傳驚
漢關何似富春投組還天下同心乖出處豈徒黃
白馬毛間鄙夫紛紛煩觖望負日可堪希國賞竹
林居士亦何營江花無限老江城邨知橋上駟馬
寵能作山間蕙帳榮興國寺中四月尾海棠雪落
生紅子呼門日午醉不磨昨夜君恩賜聞喜君不
見卒然佳會高歡難幸值野王聊一彈人生歧路
易南北明發雲散何由攀知君未試餐玉法我亦

欲返焦城山雲烟何白翠城豈未消發王去去亦
只平家池雨中二首幸前理王碑一戰入主必都
小池初鑿新得雨一部鼓吹從何來有蟾正碧亂
草色時出汨沒西南隈井榦跳梁百不少洞庭魚
龍何有哉能歌得勝莫入月涼夜與爾俱忘回
不作太白夢日邊還同樂天賦池上池上今年有
荷葉細雨游魚噉輕浪教兒讀易不應舉幽人一
爻吾得尚此池便可當長江欲榜茅齋來蕩滌
再用韵和陳伯比二首

田里馮生寧屑去湖海陳卿時肯來詩書好在家
四壁蒲柳翦然城一隈騎上下山益疎矣儵從容
出何樂哉市橋十步卽塵土晚雨蕭蕭殊未回

築臺危可瞰垆牧朝來小雨猶十上雖無峻嶺有
脩竹不減山陰同放浪青門正爾堪邵平雲中何
必須魏尚小池更廣勿近牆畏與濁渠同混流

有渠
通舟

用寄成季韵呈魯直

懷英名高長史口獨以一人當北斗黃公崛起與

之班奄有斯名唐以還文章破觚賴聖世筆墨未
逃蹊徑間湖州太守諸儒長可獨進賢無上賞曾

語黃公四坐驚競吟佳句汶陽城

丁巳年余謁蘇
湖州於汶上座

中爲余誦
魯直詩

飲茶未勝薄酒傾若人所辱伊人榮鳳

兮德衰衆鳥恥陳蔡不憂顏氏子窮吟百軸傳未
已短髮頻搔爲君喜君不見富貴及時行樂難雖
無趙女有秦彈夢中自古不識路月在雲際勞梯
攀何時半嶺聞清嘯相值蘇門百尺山

復用前韵遣懷呈魯直唐公成季明略

涇水爲渠食萬口一石論功泥數斗嗟涇獨不似

渭閑安流赴海又西還天下梗枿盡隆棟何如櫟

社不材間無能飽食猶天上巧智憂勞緣利賞我

無懋功突厥名橫身爲國作長城又非石堡將軍

勅帶刀奪取紫袍榮世上此身愚莫比霧縠翻慙

漢童子壯心雖欲彊自挽鳧足元慳續非喜君不

見西京對策濟時難羞死王嬙馬上彈時平鳥雀

須食爾鴻羽可用高難攀從今識路窘捷徑求我

莫傍終南山

莫測復用前韵荅十五叔父任城相會見和詩任
城有李白舊游處錄於詩中

太華玉蓮甘適口我欲求之青壁斗崑崙不覩覩
大宛何異學射中涂還平生傲世子南阮臧否未
容畱齒間七賢遠跡冥鴻上咸也復幸青雲賞歸
來濁酒厭獨傾疲馬却走諸任城紅桃白李晚寂
莫黃菊獨暴秋陽榮謫仙酒樓餘舊址明月年年
飄桂子不見山東故小吏斗酒雙魚誰共喜慟哭
窮涂自古難不應更待雍門彈瓜田今歲初自墾

柴車後日復誰攀東阿下望有歸意且爲子建畱

魚山

金不聞文潛舍人出試院約毅父考功尋春

上界官府多文書我臞猶比山澤儒閒忙態異
羊等一月不見霜侵鬚雖無京兆白花瀝還有太
官青玉壺武安曾孫我外弟聞君得人助君喜可
能餅果饜兒童不有杯槃到隣里去年南歸飲王
家把盞猶見黃梅花城南尋春成歲事忍不省顧
隨泥沙世事何須還刺口輕薄論交翻覆手自憐

只似永州昨歸喜蛇存視吾缶

柳子厚說永州氓為太醫採蛇者曰

視吾缶而吾地尚存則施然而臥

次韵棠美述志

仲子甘心織屨避萬鍾淵明不肯折腰為五斗

年鴻雁識來往終日沐猴何去取甥詩意慕兩君

閑讀書要在存心久平生所談性命與長棄不憂

金石朽我今頗習鷲子定猶復晨朝怖頭走剗心

先擬謝聲名不作羊鄒悽峴首雲梯雨矢集無方

我已心灰同墨守恐甥自是禹門鱗未可潛逃入

吾藪琢磨晚覺孟光賢畏我放言時被肘甥能鋤

我青門瓜正午時來休老手

湯村逢陳安性

東裝清曉來江浦瘦馬羸童犯山雨解鞍入寺聞

鐘聲堂上僧齋日初午故人聆我足音喜紗帽相

逢坐東廡別來幾日領生須相見驚疑更問語念

昨與君俱隨書貧賤不為人比數侍郎門館乏容

悅舉子文章慙講誦瞽言彊獻亦何有君去東州

我之楚可憐今日江頭路草草逢君具雞黍我貧

無策未容飽君祿雖微不猶愈如今未可計得失
 且作新詩致醇醑爾曹言獸猶亦同自昔士東州
神與過熊耳山貧類不為人北地自瀛門
 殺一不辜神所恫呂母何預於樊崇蜂螳無王求
 所止一朝積甲齊熊耳兩峯相向猶耽耽千載定
 林餘一龕我來捫石望荆杞此山閱人亦多矣

送公為之淮南

陶靖節云既耕亦已種且還讀我書此其意也

負米萬里緣其親運甕無度憂其身讀書莫學流
 麥士挾策勿比亾羊人乃翁辛苦到白髮今汝疆

勉當青春管鮑以君霸此兩士賈寧非貧

即事呈閔中順之二年兄二首

蠖軒屈首詩書人自喻適志非求伸聞蟬熟寐白
 竹簟見客一整烏紗巾語言無味窮鬼志香火有
 緣居士身明年得去不汲汲種竹待筍猶須春
 吾兩同年俱可人平生一為知己伸何由利口似
 虎圈應不拭吐煩龍巾卜鄰只約二三子看山擬
 分千百身綠鬢哦詩欲成雪朱顏得酒尚能春
 順之將攜室行而苦雨用前韵戲之

十旬九雨龍淫荒林蟬砌蟻俱悲涼豐隆不閔行
澤足猶喚脂車煩阿香我知此咎非風伯憑憑幕
天爾勅敵王郎行李望秋晴莫汚北飛雙鳳翼

飲謝公輔家

皇天於春自著意安排未遣東皇家朝雨已教潤
壓土曉風更將寒約花詩篇驅使到老得酒船拍
浮卽生涯四年逢春今日好可是芳物年年加

以蒼陵谷引水記呈毅父惠詩次韵

與君莫從栖岩東有泉鏘然發溪谷人言祥符行

幸城無水跨野疏泉此山足後來修廢吳與李誰
其記者江休復我欲重銘章聖功借君巨筆鑿寒
玉

春雪監中卽事二首

愁雲欲雪紛來族微霰錚鏦先入竹舞空蛺蝶殊
未下迸瓦明珠正相逐僕夫無事困薪蘇鳥鳥不
鳴依室屋肺病惡寒望勸酬桔梗作湯良可沃
白雲自非桃李族陽春且止聽黃竹江風吹葦暗
天地鷗鳥紛紛起追逐請看萬瓦變璠璵平日塵

寰無此屋閑居幽事亦堪論
 小逕苗生土增沃
 春呼羣豔與偕藏
 殘英風勸作清狂
 消愁賢聖酬
 酢寡破睡槍旗幽興長
 對夫無事因蕪穠
 良息不
 春歸風雨一朝盡
 畫靜園林諸趣嘉
 蜻蜓出水羣
 掠蚋鴨鳩衛巢雙
 趁鴉首

示張仲原秀才二首

去年鉅野張狂瀾
 黃河水不到魚山
 焦城有屋仲
 子築它日能來相
 往還

城頭急雨昏長川
 城邊清流鷗鷺閑
 城西雲黑電
 腳落斜日正在城
 東山

村居即事

小麥青青大麥稀
 蠶娘拾繭盈筐歸
 放牛薄暮古
 堤角三四黃鸞相
 趁飛

無心夏夜雨意

凝雲遮漢月不舒
 微電時照東南隅
 風條不動柱
 礎溼初夜淡砌吟
 螻蛄

蒲萄

雞川集 十一二十四
蒲萄新條易扶疎
松花鎖碎滿庭除
早乾只喜雨
破土潦潤不憂河決渠

雲漫成呈文潛五首
無心看春只欲坐
偶騎馬傍春街行
可憐愁以草
得暖一寸心從何處生

花如怨人不近眼
淡院一枝春得知
東風不是不
愛惜剛爲花愁
真是誰

十年閉戶不作舞
爲客一整紅羅裙
莫倚琵琶解
寫怨朱簾坐
下阿誰聞

平時無歡苦易醉
自怪飲樂顏先酡
乃知醉人不
是酒真是情多
非酒多

不是生情薄
桃李廣陵一株名
最高俱飛蛺蝶
莫猜忌端爲蜻蜒
避伯勞

試院中秋

秋風吹空雁旁午
長天無雲月呈露
爲須通曉照
清樽莫遣中宵生
薄霧

直廬聯句

上閭井泉甘若醴
蓬山點茶竹陰底
未庾伏恩容

午課休宮殿初涼朝雨洗補身閑出飲官不嗔日

長睡足長精神未未慙便作蠹魚老拔毛濟世知

何人補之中實上載靈

海月入空翠安平具天無雲日呈露為形匪即然

七刻中卷

謝思誠為謝與謝由終

不具古詩謝與李海刻一材谷景高則派地地其

吳國其景謝與非國終

濟北晁先生雞肋集卷第十四

濟北晁先生雞肋集目錄

第十五卷

律詩

北山道中示公為

和關彥遠雪

試院次韵呈兵部葉端禮并呈祠部陳元

與博士黃冕仲

吳松道中二首

濟州道中寄葉勛秀才

原上道中寄葉樹香木

荅劉季孫

病起荅關景暉

同魯直和普安院壁上蘇公詩

次韵黃奉議序致仕作魯直伴父求作

次韵履常見貽

次韵鄧正字慎思秋日同文館九首

聞慎思說壕塘居

陪發運右司叔父集金山次韵

送趙正夫京東漕

次韵八弟西園課經二首

千秋嶺上

蒲津繫橋次李茶韵

次韵練定祥符聽法

自畫山水寄无斲題其上

贈別張堯詢

寄題寶應无斲鳧為堂二首

憶廬山示无斲弟

秋夜西崗聯句

凝祥池上聯句

韻

自畫山水

大譜

漱

十

大譜

濟北晁先生雞肋集目錄

濟北晁先生雞肋集卷第十五

律詩 五言

北山道中示公為

吾方賣劔日汝正抱孫歸昭代無官守平生近釣

磯青山上野艇白水到林扉曬棗日猶烈鳴枝風

已威荒陂民事少迂徑客行稀傷雨蟬知默違霜

雁見幾卜居南縣早收課北莊微行李牧兒識生

涯田叟譏烝嘗了歲事簷屨息塵機反舍從爭席

行衢莫振衣潛逃多落莫放浪少獻歛文字陪吾

老功名許汝非
和關彥遠雪
春雨翻成雪朝
鑪未覺炎拂檐
驚乍響綴袖喜
初霑庭薄寧堪
跡空繁詎可瞻
正憐風共起終
恨雨同漸疎箔
光來細重屏氣
入巖形容樗櫟
隱意象岱嵩添
孤潔憐牆仞虛
明快屋檐棲枯
偶猜蝶穿隙暫
疑蟾詩案閑飄
楮粧帷誤洒匝
縈盈仙縷結瑣
屑女針銛屐上
長干足頤間角
里髯手龜良欠
藥膚粟重遭爛
池憶秦龍死河
懷漢馬潛三章
滿

嘗吊兩騎望能
占有德羣污化
無威衆動恬堅
凝我無必皎潔
爾何嫌僵臥安
非介甘餐武亦
廉妍辭犬子簡
拙興客兒鹽搏
作隋珠燦坐爲
紂箸尖公車貧
笑跣洹水夢憂
殲髦鶴清宜繞
衣狐窶莫兼且
當除諷渴未暇
怯樵店戒婢當
遲埽呼奴更出
規攬來真可數
消去豈堪拈便
洗埋灰釜行操
割畝鎌它時玄
尚白今歲突應
黔漕府君黃綬
儒宮我絳幘寒
吟無與律貧病
不須砭玉飯流
脂滑金羹割尾
纖山陰子猷興
歸去爲誰淹

試院次韵呈兵部葉員外端禮并呈祠部陳
員外元輿太學博士黃冕仲

盛世天休沓真人寶歷開太任當政闢元老位公
槐莫盛官人始相從試士來鳴珂咸俊彥索米獨
塵埃未歎官曹隔多慙賞鑑陪成川須眇澮崇厦
要條枚文武中銓集丹鉛百卷堆豚魚聊可辨皮
弁不應恢左選試經義
右選試兵策虎出爭亡矢蛇成屢奪盃
調鍾求雅濫烈火試珉瑰綠暗驚庭葉朱明換律
灰得臬夸艾捷聞鶴悼堅摧繭緒談飛塵澗波酒

挹壘賡酬皆絕韵搜索病非才半是仙槎客曾隨
禹浪雷遭時魚奮角失路劔生苔膽氣衝星在詞
源卷漢回聲名改閭里軒冕映輿臺諼草懷堂北
燈花粲婦臆涼風吹枕夢薄雨滯城隈號奏天官
近臚傳御史催康衢驥鳴躍歸檐僕謹哈華省淡
肩鑰衡門翳草萊尚懷休假遠別語重裴徊

吳松道中二首

停舟傍河滸四顧盡荒原日落狐鳴豕天寒犬吠
村繫帆凌震澤搶雨入盤門悵望夫差事吳山闕

楚魂
曉路雨蕭蕭江鄉葉正飄天寒雁聲急歲晚客程
遙鳥避征帆却魚驚盪槳跳孤舟宿何許霜月繫
楓橋
濟州道中寄葉勛秀才
曉路入西郊新霜著鬢毛貧交借羸馬慈母授征
袍野靜狐狸出天寒雁鵠高艱難憶親舊清淚漬
平皋

原上

閉門遺日月原上感年華久旱無場藿重陽有野
花蕭蕭幾家靜脈脈一歧賒向晚悠然去秋風馬
尾斜

公孫荅劉季孫

高臺擷黃菊獨上憶同登灌木閑相揖寒鴉偶自
朋酒憐旁舍熟賦喜故人能寂莫西風裏籃輿興
可勝
病起荅關景暉

臥病車馬絕初非遺世人逍遙乍形散邂逅却情

真見護屏能力相扶竹亦神閑來佐歡喜漉酒用
陶巾

同魯直和普安院壁上蘇公詩

畏暑聊尋寺追涼故遶池雨園鳩喚婦風徑燕將

兒散篆縈簾額畱雲暗井眉龍蛇動屋壁知有長

公詩

次韵黃奉議序致仕作

魯直仲父求作

聞道家書至山中不厭寒近臣多白髮此老獨黃
冠金少從供具身輕莫據鞍勞心爲功業持與世

人看

次韵履常見貽

人皆愛陳子新雨尚能來但使門多客何嫌室自
埃弓旌無遠野城郭有遺才底日常侯舍傳聲四
輩催

次韵鄧正字慎思秋日同文館九首

平生鄧夫子文墨晚相依臺閣佳聲在湖湘爽氣

歸

慎思潭人再入館

詩誇束筍密髮歎耨苗稀勤苦千秋

事川明水孕璣

雄淡張子句山水發天光黃鵠愁嚴道玄龜困呂
梁愛君豪穎脫嗟我病僮囊驥尾何當附西風萬
里長

屬文
潛

蔡侯南國秀經緯耿昭回文史蛙生甌風雲螿起

隈吾君求助意之子爲時來萬縷防秋費何如一

士才

屬天
啓

高堂置書几連幕與雲齊暑服猶便葛秋槃已飢
黎官醪聊足醉古錦不成題空對燈花喜重城隔
夜闌

輟直讐書館聯裾校藝場騰驤來萬匹挺拔出千
章直釣何妨得餐風未必香搜才賴公等要助俗
成康

憶臥蓬萊閣同聽午唱雞星辰望天北簪組隔城
西幾日宣魚鑰長驅響月題更憑催鄧子要剗玉
如泥

風雲日夕改秋氣襲堂闈映葉無蜩響依叢有蝶
歸官壺催賜耐鄰杵急成衣畱滯真何補尊鱸興

又違

氣入中秋勁更傳
 午夜長青燈蛾舞急
 白月雁啼涼羈旅
 生來慣淹留久却忘
 吟詩酬鄧子畢昂出
 東方日夕如煉煉堂
 闈如葉無階響如黃
 存熟前世諸生選平
 居數路開鄉閭自相
 與巖穴亦時來射雉
 空亡矢為虵更奪孟
 千金曾市骨聊用作
 龍媒

如東聞慎息說豪塘居

聞在豪塘飲松林日百回
 當年鹿何往異世鶴歸來
 未許茅齋並終期蠟屐陪
 丹畱杉不死夜氣看

星魁

慎息家臨湘豪塘晉陶淡隱此山常養一白鹿蓋藥鶴仙去藏丹於杉今大十餘抱矣

陪發運右司叔父集金山次韵

報國身無用還山計欲成
 煙霞異塵世江海慰高情
 幸繼阮咸集恐慙疎受聲
 清詩逢絕景未覺負平生

送趙正夫京東漕

朝持使者節騎出大明宮
 霜拂蓬壺外春生海岱東
 清時憂國事白首問民風
 我亦何為者丹鉛點勘中

中次韵八弟西園課經二首

禾熟秋原靜高蟬尚遠音半荒愁雨菊獨秀畏風
林老覺田原好慵疎里巷尋心知阿連勝新向佛
藥淡

懶曠期陶謝呼兒讀晉書葛巾傾泛漱蠟屐上嶽
峴回向空門舊指磨意地初未堪朝市隱且欲去

衡廬

千秋嶺上

永日倦高躋盤回四望迷松根危抱石嶺路曲隨

溪馬腹飛雲薄山腰過雨低陰崖不可度誰此構
長梯

蒲津繫橋次李茶韵

激箭波濤上為梁木石雄鐵牛驚陝右流馬出關
東潦集連艘斷冰融一水通詢謀自誰可賢有贊

皇公

次韵練定祥符聽法

彌天一滴水何處是曹溪若作聲來解還成瞪發
迷白雲遮刹遠翠竹向檐低是物元非物莊周末

可齊雲夢除塵翠竹向謝公
灑天自畫山水寄无斲題其上
湘吳谷窮覽懷抱自難忘
毫素開塵牖江山入草堂
寄君花縣裏虛我竹林傍
何物酬斯贈清詩要
一囊兼與謝靈運水蠟一水
魚鱗鱗自將石河沙
謝靈運贈別張堯詢
趣操幾前輩詞章近古風
身名沈飲外生事放言
中鵠鶩從龜吉船車送鬼窮
支離不征戍高臥有
奇功

寄題寶應无斲鳧鳥堂二首

賓戲令晁子名堂無乃迂
何爲仍負弩祗合便飛鳧
彭澤且市隱太丘猶世儒
解嘲吾亦勑繫雁一相娛
第才方濬發兄老更疎迂
君自軒軒鶴吾今泛泛
鳧何方折腰具能作列仙
儒釣是亾羊事清樽稍
可娛

書憶廬山示无斲弟

湖口西江外廬山已目前
太虛藏不極彭蠡浸無

邊五老寧行地香鑪自供天芝田隔人世應有讀
書僊

秋夜西崗聯句

城南遠人跡蟲響最先秋河漢橫疑近補星辰爛

不收露濃枝上月未風駛苑中籌下直身田野補

相忘世馬牛市聲城郭夜未遙色草茅幽寂莫容

還往補文章得獻酬天依閭闔轉未斗直未央畱

清洛東輸海補夷門北拱州寒燈知苦織未濁酒

識窮愁飽食容高議補蒼顏媿薄遊黑貂寒事早

未青史素心適附驥容吾鈍黃金試絡頭補

凝祥池上聯句

粉垣周十里補丹碧煥神宮未樓閣晚多雨梧桐

天旱風補人來夕照外未鳥起白蘋中補何用厭

城郭滄洲佳興同未

如潭會德卦與同

天旱風雨入來天照於

餘感向十四

雞肋集卷第十五

濟北晁先生雞肋集卷第十五

金

濟北晁先生雞肋集目錄

第十六卷

律詩

廷賢求賦先春亭

送會稽關彥遠罷官河北

已酉六月赴上饒之謫醇臣以詩送行次

出韵畱別

對雪和王仲至宗慤皆丞且韻三首

春雨呈文潛

魚溝懷家

次韵金鄉宰韓宗恕寺丞見贈三首

出都呈十五叔父

贈歐陽成判官

次韵蘇注承議天鉢元長老像前拈香

次韵王正甫馬陵感事

送顏長道客滑道士

別關景輝二首

送曹子方福建轉運判官二首

飲校理盛居中家次韵二首

次韵校理盛居中上元

次韵蘇中丞喜文潛病間

鎖試呈同舍三首

試院呈文潛用前韵

慎思聞家弟无斃捷解見貽用前韵

復用前韵寄題慎思壕塘居

呈曹子方

泗州王諫議明叟留飲

招縉雲寺彥遠教授曾彥和集平山堂次

呈彥遠韵

陪關彥遠曾彥和集龍興寺詠隋時雙鴨

謝脚次彥遠韵

閻醇老作默齋

與曇秀師別垂二十年而後相會於金山

一作

送曇秀師歸廬山夢齋

戊子六月十三日曝書得史院賜筆感懷

時監修丞
相儀公也

濟北晁先生雞肋集目錄 終

濟北晁先生雞肋集卷第十六

律詩

七言

廷賢求賦先春亭

築圃名亭盡可人東皋百卉故先春
丘原滿目皆安在桃李成蹊又一新
薙草煩君開蔣徑漱醪容我著陶巾
青門瓜好平生事欲遣朱轡便卜鄰

送會稽關彥遠罷官河北

君年長我二十五偶以氣同均
第彘三歲吹沙禹河曲一身飛艇越
雲門未緣狗監知才思端向牛

衣無涕痕秋月圓時應待我慧林孤磬澹朝曛

已酉六月赴上饒之謫醇臣以詩送行次韵

畱別

小雅思淡志不悲反騷未與咎人違五車謾苦君
何益三徑都荒我未歸要過香鑪震履步却從彭
蠡一帆飛它年笑向張公子應帶煙霞滿客衣

對雪和王仲至

鸞鳳交橫逐雨華玉城銀澗共縈斜且看霧散千
峰瘴未覺雷驚萬谷芽碧落高情元物外金閨清

夢自天涯寧知夜半寒歌客煙斷鄰牆四五家

春雨呈文潛

倦將烏帽障黃日一雨新開春已融忽驚宮瓦出
新碧更喜海棠舒小紅愛酒鄰張不可奈聽歌老
謝無由同春如行客祇欲去若爲挽取須壺空

魚溝懷家

生涯身事任東西藥笥書囊偶自賁桺嫩桑柔鴉
欲乳雪消冰動麥初齊沙頭晚日檣竿直淮上春
風雁鶩低歸去未應芳物老桃花如錦遍松溪

次韵金鄉宰韓宗恕寺丞見贈三首

蔡濤無意犯星躔好在琴尊且樂全彭澤孤吟成
小隱蘇門雙嘯劇登仙平時主父言多困晚節揚
雄學始傳鮑叔可能知管子勞君相許寄忘年

蜀客高詞詫割鮮直吞雲夢氣仍全自憐單闕窮

爲賦不向元和共得仙

未仁云若使漢廷重用賦子虛應恨不同年故以是

答嘉論一朝傾蓋合新詩半夜叩關傳西窗却話

巴山事它日相逢憶此年

公子翩翩出世賢少時術業已成全閑中道義輕

三事醉裏文章敵八仙客舍寒鑪聊可擁縣樓昏
鼓不須傳河陽花發期相過卽是新年換故年

出都呈十五叔父

凌兢瘦馬不堪驅塞眼紅塵暗九衢太學齏鹽聊
樂只故園桃李且歸歟上書北闕三年困種豆南
山一半蕪忍志動心天相我莫慙關吏辱陳餘

贈歐陽成判官

一言子產識然明白首憐君獨抱經去馬來牛隨
白日落花飛絮得浮名曳裾五府非良計發憤三

書亦漫成便作歸休豈無食木蘭垂露菊含英

次韵蘇注承議天鉢元長老像前捻香

蕭然方丈病儀成蓑笠忘來一境清應作是觀寧
有相實無得度卽非情日當居士行時午月在生
公講處明能識微言只夫子可憐惟我最初程

次韵王正甫馬陵感事

風雨關河浩蕩愁騷人慄慄對清秋追君舊事何
堪聽投我新詩不易酬紙上安知百年後酒中聊
可一生浮言歸歎段誰能約正有疎頑馬少游

送長道客滑道士

海山兜率事悠悠底處仍須著力修莫認箭邊曾
有鹿安知蓑外是無牛社樗共作支離病園絮同
爲汗漫游亦見顏公爲言此春風過盡不擡頭

別關景暉二首

鄴王臺上幾追陪臺上鴉鳴古甕摧每對燈前青
玉笛不辭花下白銀杯

皆彥遠家物

九重幽夢驪駒近

百卉佳時鶉鴉催更約歡呼須繼日從教河漢卷

星迴

筆陳雲橫未易陪雁門端見壓城摧櫟中麋出君
搏飯地上蛇成我奪杯好在田園心事嬾罷休簪
組鬢毛催稽山爲有知章否欲泛扁舟定却迴

送曹子方福建轉運判官二首

談經草檄鬢華生初擁閩山傳節行江入桐廬青
欲斷溪從劔浦碧來迎茶雖戶種租宜薄鹽不家
煎價欲平要使祈招歌德意君恩不爲遠人輕
侏儒未用笑先生孟博聊堪攬轡行學有人民可
嘗試詩須山水與逢迎邊夷豈識朝廷治耕釣唯

知吏政平臺閣時清多俊彥蕭生雅意未宜輕

飲校理盛居中家次韵二首

騎鸞玉府盡仙真短羽愁攀天漢濱詩嬾便應推
老手飲豪獨未後諸賓宮壺銀箭剛知夜籠燭金
華已報春倒載微吟笑兒稚時清寧是習池人
一倒南齋玉宇醇絕勝不醉楚江濱驪駒且莫催
歸御鵠鶴何妨屬坐賓我尚少年新白髮君須痛
飲敵青春未愁驅使無詩句怕遣壺空花笑人

次韵校理盛居中上元

四見都城燈火春看驅肥馬走朱輪天傳九奏虛
羣籟海踴三山跨萬鱗追賞謾逃淡禁直拜迎祇
望屬車塵預知短髮非歡事只有觥船未愧人

次韵蘇中丞喜文潛病間

攜筇過子約朝朝况是門無百步遙午臥檐曦茶
可煮夜談窗霰栗堪燒范魚何用驚生金鄭鹿應
知夢覆蕉試作文殊問居士從今一飯久如消

鎖試呈同舍三首

官局悠悠共此行來時庭菊未含英五更脫葉驚

書几一夜寒砧滿禁城詩似涼風來有思酒如清
露挹無聲何時驄馬催歸去更有林端魄一生

天街初月映天河拜敕東華走馬過解榻暫如龜
遇木閉簾還似雉嬰羅倦依書冊工催睡悶倚詩
篇足當歌可待紛紛厭朱墨晝閑唯有飲無何
周行櫛比未應充薦廟方求古鼎鐘經眼乍愁千
紙積解頤聊喜一言逢黃花庭檻時雖過白酒鄰
槽願可從更促寄衣真似旅曉堂初怯露寒濃

試院呈文潛用前韵

神交千古聖賢中尚想銅山應洛鐘傾蓋十年唯
子舊知音一世更誰逢天如蟻磨駸駸旦談似繰
車疊疊從鄰榻鄧侯邨不共擁衾百首興方濃
慎思聞家第无數捷解見貽用前韵
吾弟平生辛苦同匹雛志舉百鈞鐘自慙操瑟尚
不斥勸使力田終有逢青眼故人欣捷報白頭老
母喜占從書林儻預西城集醕子酣酣杏正濃
復用前韵寄題慎思豪塘居
玉泉飛落白霞峰散入山田畝十鐘鄧子結廬真

世外陶公脫屣更誰逢鶯啼春竹風煙近龍起秋
堂雨雹從誰使山人空蕙帳蓬萊金殿興方濃

呈曹子方

曹子金門等陸沉壯年裘馬四方心檄傳白羽從
沙井詩寫紅巾遍武林兵甲胸中無敵國絲桐世
外有知音相逢不飲何爲者祇作寒廳擁鼻吟

泗州王諫議明叟畱飲

雲水東遊蚤歲懷半生塵土却教回兩行堤柳關
心在一點淮山入眼來北省主人誇酒好南風稚

子喜帆開揚州底事牽行色端爲瓊花芍藥催
雲水招縉雲寺關彥遠教授曾彥和集平山堂次

關韵

蜀岡勢與蜀山通龍虎盤挈上紫空小語還憂驚
太一高堂元自在天中少師楊柳無遺跡承旨歌
謠有舊風斜日蕪城易興感忘懷猶喜故人同
陪關彥遠曾彥和集龍興寺詠隋時雙鴨脚

次關韵

風起雷塘陵上塵雨荒苔院兩株春樓臺有跡皆

餘燼草木無知尚見珍博士獨能名玉斐使君還
許壽靈椿宣城此物常充貢誰與連艘送萬困

閻醇老作默齋

淨名良久文殊歎此是如來不二門要識結瘖非
是默應知分別亦無言一絃曾得嵇生愧三復能
令孔子尊正復立談封萬戶時清何害口瀾翻
與曇秀師別垂二十年而後相會於金山作
詩筆多生習氣牽老來經唄亦隨緣何妨偶入東
坡夢未害閑依北固禪萬里波濤憑檻語一山風

雨竝窗眠未甘白首塵埃地更約相逢二十年風

荷華送曇秀師歸廬山夢齋衣潤於何故洲人東

扁舟又過楚江東廬阜霜晴翠埽空四海五湖皆

逆旅千巖萬壑正秋風會觀沙界無華處何必茅

齋是夢中已悟三生舊知識不因天竺寺前逢

戊子六月十三日曝書得史院賜筆感懷

修丞相儀公也

曝書齋

時監

君王孝悌纂修意丞相忠良典領宜却恨身為周
柱史不令人識漢官儀當年請郡新進笑今日曝

書陳迹迷猶有院中宣賜筆不妨林下醉題詩

濟北晁先生雞肋集卷第十六

濟北晁先生雞肋集目錄

第十七卷

律詩

和二叔父少監入館見賜詩

次韵四叔父寄賀二叔父入館并見寄詩

送歐誠發

守蒲次新安先寄府教授之道弟

再用前韵答之道弟府教授

澠池道中寄福昌令張景良通直

次韵毅父提刑將至蒲見寄

次韵毅父戶部兄游栖巖寺

廬山

敘舊感懷呈提刑毅父并再和六首

用評字韵和荅府教授十二弟

次韵邠倅王正夫

蠖軒孤坐寄曹南教授八弟

次韵袁疇耕道見貽

寄懷八弟三首

感興

次韵畱守王公喜春

游華嶽歸道中望仙掌

潼關道中

自蒲赴湖早行作

罷蒲乾濠道中寄府教授之道弟

次韵文潛尉福昌日壁間清暑亭詩

荅中

赴蒲道中寄洛倅王定國

再寄定國

荅閔中順之

大南文澤探顯昌日整開肅澤亭

自蕭法臨早計

寶閣道中

華海山

大南文澤探顯昌日整開肅澤亭

大南文澤探顯昌日整開肅澤亭

濟北晁先生雞肋集目錄終

濟北晁先生雞肋集卷第十七

律詩 七言

和二叔父少監入館見賜詩

梗柟要是晚方成雄朔遺風世共驚
屑去未驚容必去逃名還自得
高名歌行元白辭濤壯書書鍾
王筆勢精秦馬輜車何足算
不將稽古愧桓榮

次韵四叔父寄賀二叔父少監入館并見寄

詩

琅邪太守魯儒英典校還高劉更生已似諸荀竝

雞肋集

卷之十七

詩瘦閣

才子復如羣竇占詩名尚吟河水憐孤姪應與鄉人痛伯兄老鶴長鳴近天漢可容叢灌和驪庚

送歐誠發

春風共載揚州路屈指都疑夢夜闌可是重來俱白髮只堪歸去却黃冠爲郎我賴文書少作邑君逢政令寬自古江山勝塵土莫輕故步愛邯鄲

守蒲次新安西先寄府教授之道弟

文章之子日翹翹恐不能如豈有超助我彤襜問民俗煩君泮水採風謠預知薄宦妨同處且可清

樽約屢招十月驅車漢函谷冷雲高處望中條

新安

漢所徙函谷也

再用前韵荅之道弟府教授

文辭便是升堂賈談辯寧非入幕超已謂囊中能出穎邨知車下正哀謠但從袁盎無何飲莫笑馮公不見招伴我河山訪陳迹明年紅紫滿陽條

灑池道中寄福昌令張景良通直

十年一夢間湖湘欲往從之道阻長可但知君愛彭澤不應言我薄淮陽馬穿峭底流泉白鳥下關

頭落照黃愁作驛亭寒不寐懷人思古九迴腸

次韵毅父提刑將至蒲見寄

騎報山雲見旗脚吏趨原雪沒靴翁竭來定坐玄
猶白捷去還憂易又東他日江湖空白首只今關
隴有清風登瀛契分南遷夢十五年來事事同

次韵毅父戶部兄游栖巖寺

恐是初禪弟一天千秋龍象鎮危巖坐看玉井蓮
飄葉絕勝香鑪日照煙點點蟻封知晉甸紛紛雁
背向秦川要須浩蕩奇言稱付與南華舊老仙

夢寐廬山

丹碧沈沈虎豹閑松幢引度九重關人間未覺渾
無路天上還驚更有山瑤草紅泉供挹酌金風白
露送躋攀良游自歎平生誤便作歸來鬢已斑
異粟敘舊感懷呈提刑毅父并再和六首

兒童豪氣自堪驚未入鄉人月旦評叔向亦聞呼
使上子將一見便知名平生蘭省追高步老去秦

川共此行賴有蒲城桑落酒高樓條華慰人情

補

初舉進士毅父
為考官即首送

佳力集

卷之十七

詩瘦閣

賦成庚子尚魂驚往事如風未暇評長樂鐘前偶
相對凌煙圖上等浮名登車豈是君無意襍被何
妨我自行更許心親遺貌敬老來尤見舊交情
二人射策幾人驚要與三蘇共入評先聖子孫多
異稟累朝圖牒有高名書傳科斗猶須定安鈞拂
珊瑚未可行巢父子墨文章豪氣在登臨懷古一含
情韻天
須彌納芥事堪驚千歲聊堪一日評世上相逢俱
夢寐古來何處是功名簿書聽我依俵了雲水陪

君浩蕩行便與此山同不朽不應惆悵復牽情

郎潛如我未宜驚戶部須推宰相評

曾丞相云戶部不可無孔

郎他日碧山息却走當年紫府已收名共知白髮

生青鬢未廢長歌續短行樽酒不空多坐客君家

餘事足陶情

親見揚雄自不驚吾人要使後人評白圭未可輕

三復小草須防得二名太華聳天如劔立黃河感

野似軍行栖遲自憶衡門後可是登樓不稱情

用評字韵和荅府教授十二弟

君詩飄舉似鴻驚書入揚州子弟評聖世由來升
俊造少年已自得聲名六經正可三冬足萬里聊
堪一日行更約彌敦同姓樂能來觸詠暢幽情

次韵邠倅王正夫

函谷雞鳴滿面塵夫君泛愛尚爲親清時有味俱
吾黨黃髮相看更幾人物理未驚翁喪馬世情應
笑子知津似聞絕塞風沙苦只約觥船莫負春

蠖軒孤坐寄曹南教授八弟

畏暑經旬不涉街蠖軒孤坐壁生苔出檐碧筍猶

爭長映戶丹榴故後開雙蝶風前愁夜去一蟬雨
外送秋來曹南瘦弟應相憶白首遷兄未放回

次韵袁疇耕道見貽

閱世紛紛共旅亭歸來眼爲里人明老夫未歎嘗
三已吾子何憂取一名仁義夙心成自誤文章小
道得高評曲池遠市偏宜暑攜卷同來看月生

寄懷八弟三首

君好作官容我隱我專築室待君歸古來奇特俱
安用老去疎慵自不違五府交書何怪密雙林白

社未嫌稀先君門戶觀之子葵藿吾今遜益肥
 平日鴿原左右手居衛反叩前後未須論清秋淮
 上多詩句白首籬邊近酒樽杜舅高情篤兄弟先
 君至性厚閨門兩公與爾同師法相待歸來老此
 園已吾子揚州全盛吾能說鴨脚瓊花五百年忽見山光好
 詩軸却思淮浦舊漁船柴荆故俗真虛老松菊幽
 齋已重遷便作扶藜望衡霍清秋隨分有風煙

平天感興

淵明褊志迷歸去叔夜支辭謬養生道有窮通千
 世運命無夭壽四時行我能為蝶斯同化子亦知
 魚乃至情謂馬謂牛無不可楚肝越膽太分明

次韵畱守王公喜春

午窗鑪火不應殘春許花期特地寬塞雁初驚池
 藻暝谷鶯猶怯井梧寒未須園裏幽尋去且更樓
 前遠望看四牡行春定何日亦聞鐘鼓滿城歡

游華嶽歸道中望仙掌

深巖踏遍尋歸路仙掌依然在碧虛無限游人重

駐馬豈惟狂客倒騎驢挂圖天漢朝霞上落影秦
關夕照餘千古全生纜一士可憐登覽盡丘墟

希夷

祠堂在觀中

潼關道中

塵土長安古道淡潼關依舊接桃林使君驄馬來
何後道士青牛去莫尋春半河山猶寂莫日長坑
阪正崎嶇平生冷笑元龍誤老覺求田負寸心

自蒲赴湖早行作

小隱幽情薄宦身五更騎馬壽安塵春如流水行

隨客曉與青山氣逼人報國丹心千載事對花霜
鬢一番新秦吳絕域從來恨我已能知莫問津

罷蒲乾濠道中寄府教授之道弟

衝寒到郡待花開花未開時却遣回敢意三年容
我隱只如千里訪君來二嶠轂擊何為者五老雲

霾安在哉更約劓詩猿虎谷它年重過埽莓苔

莫對次韵文潛尉福昌時壁間清暑亭詩

亭在水竹中

梅福當年守此官荆山誰見韞琅玕人如脩竹三
冬好詩與清溪九夏寒未信簪裳妨小隱蚤時雷

雨起溪蟠春風攬轡河陽縣痛飲狂歌憶舊年

赴蒲道中寄洛倅王定國

時定國董役永安

莫嫌馬上過春風得句桃溪柳澗中王事勤君急
星火客程驅我正萍蓬竭來尚可輕千里歸去何
妨共兩翁學道如今有微力作官求了不求功

再寄定國

河南少尹古臞僊銷盡新緣窘舊緣草字更無干
載聖談言自有一家天遠游輕世唯何甚少貶求
容否不然選壯坐狂俱齟齬社樗元自可忘年

蒼閣中順之

黃卷翛然遇古人千秋遺恨一朝伸久乾文舉尊
中酒虛負淵明頭上巾纓冠未暇念同室閉眼自
欲觀吾身幸有元和文似錦不妨白雪和陽春

濟北晁先生雞肋集卷第十七

濟北晁先生雞肋集目錄
第十八卷

律詩

自蒲赴湖至板橋逢杜謀伯

和石明叔喜雪

次韵韓求仁南臺朝請晚過南湖見寄

再用前韵和荅

用前韵荅李行正教授

次韵和求仁不赴照碧堂會呈無愧之作

求仁復示怨句次韵
元符戊寅與无斃弟卜居緡城東述情

次韵信守李秬二首

再和嘉父見貽

次韵嘉父喜雪

次韵信倅練定夢雪中過王侍郎

次韵李秬靈山亭宴集寵戲之句

次韵李秬梅花

次韵李秬祥符軒

次韵李秬重修宴亭

次韵李秬新菴

次韵李秬新移牡丹二首

次韵李秬約賞牡丹

次韵李秬雙頭牡丹

次韵李秬賞花

次韵李秬酴醾

立春日呈通守資中通直

題文潛詩冊後

次韵杜天達見寄

景修二十歲褻為鄉舉之首晚乃尉青田

六無不遇色其里人晁補之為賦五十六

六字以別且勉之

赴元老劉元之集呈十二朝請十五推官

六二叔父兼呈元老邦式諸公

次韵棠美甥晝眠

和王定國見寄

和歐陽宣德經野步

目錄終

濟北晁先生雞肋集卷第十八

律詩 七言

自蒲赴湖至板橋逢杜謀伯

二年兩度踏京塵猶喜常逢杜子春文學老來從

舊日金蘭同好更何人身慙隨檄終難彊計欲歸

耕未敢陳正是桃花紅似血不應無酒但霑巾

和石明叔喜雪

解凍南風故未熏六英先歲舞車塵盡消日觀千

巖雪初破江梅一萼春立召金閨通籍客更呼花

豔大堤人使君日飲無功業同樂何妨亦爲民
韻次韵韓求仁南臺朝請晚過南湖見寄
浮花浪蕊信東西何許尋芳去自遲流景不須驚
石火寸田應已長瓊枝想君清興聊堪發遣我憂
心久欲夷便作崔丞日臨水鳧行擿尾不須知

再用前韵和荅

當時同赴飲城西傾蓋論心已恨遲湖海可無年
少氣雪霜還有歲寒枝功傳汗竹藏王府詩入文
發動島夷不會書生安用此眼前睫固未曾知

用前韵荅李行正教授

見我淮南被召西重來學館尚棲遲未容小隱通
三徑聊可卑飛共一枝飲罷玉山方突兀賦成筆
陳已淫夷霜荷葉歎青衫舊聞子修身自畏知

次韵和求仁不赴照碧堂會呈无愧之作

政成歡誦沸田萊畱鑰雍容更上才繚郭平湖從
咎好倚天朱檻爲誰開曳裾况是他年舊倒載何
妨盡日陪自有登高能賦客可容清坐詠南臺

南臺

靜坐一爐
香見傳燈

求仁復示怨句次韵

聞說高情久沈寥
繫維誰與永今朝
五車猶累方書好
萬物先從辯說彫
已向季咸心獨醉
更緣順子意都消
清秋璧月涼如水
莫遣纖雲翳紫霄

元符戊寅與无斃弟卜居緡城東述情

四海一居何處卜
北窗祇取見家山
要無名利來心曲
便有園林出世間
拙宦莫與三黜歎
老婦未厭百年閑
先君餘慶期之子
吾駕如今不可還

次韵信守李拒二首

誰榜鈴齋作面山
晦明終日卷簾看
賦成夜燭纔銷寸
衙退朝曦未半竿
枉渚孤吟愁旅雁

以况薄宦蘇

門雙嘯駭朱鸞

以况二公贈酬

平生五袴何須詠
一借黃

鍾變谷寒

愛山何必埃歸山
簿領忙時撥置看
閭闔自應行發軔
珊瑚終未拂埜竿
樽中屢許陪文舉
廡下猶堪寄伯鸞
便作功成同范蠡
白鷗盟誓不教寒

再和嘉父見貽

使君心賞在高山
櫟社寧煩匠石看
能似鼠多愁

渡谷仕如鮎鈍笑緣竿見歸田錄威儀披霧窺文豹音

韻當衢聽玉鸞曾共廣陵花下醉綈袍應歎一何

寒次韻嘉父喜雪

六出先春兆物華故撩高韻發車斜散榆天上齊

飛筴布玉畦中盡吐芽梁苑俊遊風不極剡溪清

泛月無涯雄豪樂事幽人詠都屬江南太守家

次韻信倅練定夢雪中過王侍郎

夢覓毗耶看雨華玉城銀澗過縈斜乍疑霧廓千

峯障未覺雷驚萬谷芽碧落清談元物外上貳金

閨高興共天涯上貳寒雞喚起新詩就誰憶袁安

正卧家

次韻李秬靈山亭宴集寵戲之句

勝游誰繼竹林賢峴首高情自邈然寶剎千尋出

天半靈山三面落樽前梅花摘得寧煩驛桃葉呼

來不用舩南楚何須說窮巷且陪鈴閣聽鷓絃古詩

桃葉復桃葉渡江不用楫

次韻李秬梅花

詩瘦閣

寒巖幽霧不曾開殘雪猶封宿草萋一萼故應先
臘破百花渾未覺春來慙非上苑青房比誤作唐
昌碎月猜常恨清溪照疎影橫斜還許落金盃

次韵李秬祥符軒

雲端紅粉拊雕欄謝守綸巾語笑間游客乍驚人
外境居僧初識面前山暫來猶足畱公賞借與真
堪著我頑鈴閣多餘賓從少誰教平餅盃不曾閑

補之
自謂

次韵李秬重修宴亭

壁間雙記快沈冥山畔譙門水畔亭相國名因稽
古白使君眼為好賢青廢堤不復風搖柳新檻依
然月滿汀羈旅從公厭游樂欲圖佳致作幽屏

次韵李秬新庵

無心何用說心灰庵在青蘿綠篠隈自可談間公
事了不妨閑處道書開更攜邀月清樽上只著登
山小屐來桃李他年應勿剪使君嘉譽在閨臺

次韵李秬新移牡丹二首

史君著意與深培為向吳宮好處來得地且從三

月暝明年應更十分開
溱傍芍藥羞香骨
江裏芙蓉妬豔腮
雲雨鴻龍摠非比
沈香亭北漫相猜
笑倚東風幾百般
忽疑洛渚在江干
玉容可得朝朝好
金盞須教一一乾
送目漢皋行已失
斷魂巫峽夢將殘
七閩溪畔防偷本
四照亭邊更著欄

次韵李秬約賞牡丹

天紅濃綠總教回
更待清明穀雨催
一朶故應偏晚出
百花渾似不曾開
常誇西洛青屏簇
久說南滁紫線堆
任是無情還有意
不知千里爲誰來

次韵李秬雙頭牡丹

寒食春光欲盡頭
誰拋兩兩路傍毬
二喬新獲吳宮怯
雙隗初臨晉帳羞
月底故應相伴語
風前各是一般愁
使君腹有詩千首
爲爾情如篆印繆

次韵李秬賞花

天香國色競新奇
初過清明未覺稀
困舞尚迎風嫋嫋
醉粧猶弄日暉暉
飄零洛下千金價
慙愧江南百草菲
謝守多才最憐爾
百篇能伴羽觴飛

次韵李秬酴醿

天紅瑣碎競春嬌後出何妨便奪標雲鶴嬉晴來
萬隻玉龍驚震上千條蓐收晃蕩風前仗萼綠飄
翩月下綃曾向瓊林亭畔見天涯相遇一魂銷
立春日呈通守資中通直

搖軒柳態未應還正在憑高望遠間一夜春風吹
北渚清晨佳氣滿南山動頭樂事從今數信手詩
章莫放閑但惜濉陽蔡公子鶯花爛漫向京關

題文潛詩冊後

君詩容易不著意忽似春風開百花上苑離宮曾

絕豔野牆荒徑故幽葩愜心芻豢非雜俎垂世江
河自一家頭白昏昏醉眠處憶君頻夜夢天涯

次韵杜天達見寄

冷屋寒舟兩處懷一封歸信隔年開愁容頓與河
冰泮佳息先隨岸柳來射雉使甘忘我矢畫蛇何
怪奪君杯端知雪裏清吟好未減山陰興盡回二

景修二十歲衰爲鄉舉之首晚乃尉青田無

不遇色其里人晁補之爲賦五十六字以別

且勉之百里管人嘗曰漢武英對對文如太

一尉三千五百里，管人嘗已歎沈英。陸機文賦成，
童妙梅福官資向老清。盡說江山多勝事，且臨風
月慰高情。它年見我長安道，貨藥無心更避名。
赴元老劉園之集呈十二朝請十五推官二
叔父兼呈元老邦式諸公
故鄉等作異鄉愁，常笑吾生不自謀。百日狂風春
草草，十年歸夢客悠悠。倦游情話陪諸父，老罷親
鋤學故侯。得坎乘流兩皆可，名亭應不用三休。

次韵棠美甥晝眠

炎歊暫臥北窗涼，更覺甘如飢稻梁。宰我糞牆譏
敢避，孝先經笥詭兼忘。憂虞心謝知更雁，安穩身
如掛角羊。要識熙熙不爭競，華胥別是一仙鄉。

和王定國見寄

請說當年王武子，淮南別業謫仙人。自從金馬還
通籍，直恐瓊花便不春。遺愛誰方府中步，舊時獨
掃壁間塵。平山送目思公子，自許詩成覺有神。

和歐陽宣德經野步

時入
汴流

朔風何敢祝淮神，青律飛灰氣自醇。顧我衰容唯

帶酒因君佳句始知春山中桂子年年好觀裏桃
 英日日新延對彤廷須努力
時歐陽君方就引對 詹生學問
 及昌辰

濟北晁先生雞肋集卷第十八

濟北晁先生雞肋集目錄

第十九卷

絕句

國子監算婦

荅李令中四首

身世謾悠哉

禱雨宿九曲池三首

譙國嘲提壺

書周開祖子抱一發願文後

和荅魯復一高士齋賦文終

讀易

題宗室大年畫扇四首

閻子常求琴絃

濱州道中四首

館宿

季夏即事

濟北晁先生雞肋集目錄 終

濟北晁先生雞肋集卷第十九

絕句 六言

國子監算婦

杖屨清晨往縑囊薄算婦閑官廳事冷蝴蝶上堦
飛

荅李令

知音慙李令問我復何爲道義惟添睡功名只有
詩

良世身世謾悠哉

身世謾悠哉田園首重回春來亦何事忽忽歎庭槐

禱雨宿九曲池上三首

微月淡蕪城飛螢縱復橫蛙魚涼亦樂跳港觸荷聲

荒城孤絕處猶指玉鉤亭涼月徧宜上江南山更青

同輦笙歌地荒池風露天無心更懷古涼夜正甘眠

西風譙國嘲提壺

何處提壺鳥荒園自叫春夕陽深樾裏持此勸何

人

書周開祖子抱一發願文後

欲愛生諸穢俱盛一草囊應從持犯入當發紫金

光

和荅魯復一高士

四觀以為隣朝霞以為竈贈我不知名千古巖下

草

學不到忘言崇朝守韋編使我能解化此物為蛇

蟬

題宗室大年畫扇四首

柳動燕初來波生雁將去惟有小崧高蒼蒼自如

故

鸚之仍鵠之爾名今是非人言不踰濟何事滿苔

磯

西風入叢竹慘澹帶秋陰驚起中泚雁衡陽萬里

心

王孫蘊奇意純素澹雲煙借與王摩詰含毫思邈

然

閻子常求琴絃

先生三尺琴斷絕絃上音欲求鳳喙膠弱水毛猶

沈

濱州道中四首

身隨符檄塞壘家與琴書鄴都白酒清談憶汝黃

花佳節愁予合日出高風霧閣

月墮孤村露合日出高原霧開道逐故河西去人
將新雁南來墨家與奉書僕淋白面前猶對黃
三徑蔣生里第再見虞君客卿多病增予歸思少
年許子高名

林下囊裝夙興雲間鴻雁悲鳴行役正嗟予弟言
旋當復諸兄未奉蘇

然

館宿

殘雪封條未乾蘭臺襪被春寒斜日房櫳吏散鳴
鳩飛下欄干

齊川集卷之十九

季夏卽事

紅葵有雨長穗青棗無風壓枝溼礎人霑汗際蒸
林蟬烈號時

林戰然題詞

濟北晁先生雞肋集卷第十九

濟北晁先生雞肋集目錄
第二十卷

絕句

新城塔山對雨二首

同柳戒之夜過三學院

汴堤暮雪懷徑山澄慧道人

送李知章下第歸河北

曉發長蘆

晚雪示閻仲孺

村居卽事

流民

先塋治事歸

陌上花八首

外舅杜寺丞永城守水作詩寄呈

都門

甘雨

約李令

和胡戢七首

坐進庵

張傑以龍茶換蘇帖

和王拱辰觀梨花二首

次韵兩蘇公講筵唱和四首

復至凝祥池上

題工部文侍郎周翰郭熙平遠二首

呈文潛

和文潛

謝王立之送蠟梅

和文潛試院道舊

夜聞慎思吟諷

赴廣陵邑中三首

出城三首

揚州雜詠七首

題僧法芝鍾山詩後味四首

復和定國惠竹皮枕謔句

和荅曾敬之祕書見招能賦堂烹茶之句

二首

守蒲過洛思十歲時侍先君寓居泣涕成

詩二首

澗池道中

次韵提刑毅父送茶

次韵閻仲父病起二首

濟北晁先生雞肋集目錄終

大略圖文讀史二首

大略圖文讀史二首

大略圖文讀史二首

濟北晁先生雞肋集卷第二十一

絕句 七言

新城塔山對雨二首

山外圓天一鏡開山頭雲起似浮埃松吟竹舞水

紋亂坐見溪南風雨來

竹枝草履步蒼苔山上孤亭四牖開煙雨濛濛溪

又急小篷時轉碧灘來

同柳戒之夜過三學院

步月尋溪過佛齋溪邊石蘚溼芒屨虛窗獨臥聽

松竹半夜一山風雨來
汴堤暮雪懷徑山澄慧道人

朔風吹雪亂霑襟走馬投村日向沈遙想道人敲
石火冷杉寒竹五峯深
送李知章下弟歸河北

鬪雞擊劔鄴王臺萬古英雄死不埋子去悲歌宜
有和露螢白首亦常材

晚發長蘆

船頭勾曲洪濤外船尾長蘆白霧中千里山容初

上日一江帆影盡寒風

晚雪示閻仲孺

拂檐點砌靜如沙無限寒林頃刻花明日窮檐深
一尺不知何處覓袁家

村居卽事

十載京塵化客衣故園榆柳識春歸深村芳物無
由覓蝴蝶雙尋麥隴飛

流民

生涯不復舊桑田瓦釜荆籃止道邊日暮榆園拾

青莢可憐無數沈郎錢

先塋治事歸

先人管慕栖山樂賤子今懷陟岵悲柏葉初生石

牆短况無金帶買豐碑

補之方謀葬先子家貧未能故及也

陌上花八首

事見蘇先生詩

郊外金駟步帳隨道邊游女看王妃內官走馬傳

書報陌上花開緩緩歸

朝雲暮雨山頭宅暖日晴風陌上花絳幕何妨行

緩緩送春歸盡妾還家

娘子歌傳樂府悲當年陌上看芳菲曼聲更緩何

妨緩莫似東風火急歸

荆王夢罷已春歸陌上花隨暮雨飛却喚江船人

不識杜秋紅淚滿羅衣

吳歌白紵怨芳菲腸斷懷王去不歸陌上如今小

花伴山前山後白鷗飛

臨安城郭半池臺曾是香塵撲面來不見當時翠

駟女今年陌上又花開

雲母蠻牋作信來佳人陌上看花回妾行不似東

風急為報花須緩緩開
陌上偷來為看花
饒聲鸞鵲莫天斜
犢車緩緩隨芳草
不去桃源阿母家
香墨對面來
不見當神翠
外舅杜寺丞永城守水作詩寄呈
雪消冰動看通津
草長江南岸
春莫唱龍舟
五更曲揚州楊柳解愁人

王都門

飄零何處是生涯
瘦馬都門踏落花
芳物攪心看不得
綈袍遮眼畏風沙

甘雨

唵唵轟轟有物催
端如鬼駕北溟來
百昌一種得

甘雨蛇不耆乾茗卯摧

古語云一蛇耆乾獨不得甘雨

約李令

茅檐明月夜蕭蕭
殘雪晶熒在柳條
獨約城隅閑李令
一盃山芋校離騷

和胡戢七首

達則經綸隱著書
簪人於此孰親疎
王通持底蒼揚素
汾曲先人有敝廬

相逢樽酒未辭深握手盱眙十載心車馬淒涼人
夜別出門落月與橫參
聞說歸心已浩然蘇門况有子雲屢廣文不去慙
官長繫馬堂階要酒錢

住近蘇門有白雲閉關却埽道逾尊相逢不語忽
長嘯今日豈無人姓孫

時平未用入山深歲晚何妨木秀林聞說熊羆叅
後蔡可容牛下有哀吟

千首清詩競夜長真成蝴蝶爲春忙莫教流落人

間少雷電它時下取將
少時豪氣恨沈淪繆意詩書可庇民長笑壯年無
一事微吟只有故人親

坐進庵

海魚水擊三千里決起還須九萬程坐進庵中纔

一步初無行處若爲行

張傑以龍茶換蘇帖

寄茶換字真佳尚此事人間信亦稀它日封厨失
雙牘應隨癡顧畫俱飛

和王拱辰觀梨花二首

海棠十韵詫芬芳慙愧梨花冷似霜
賴有樂天春雨句寂寥從此亦馨香

壓沙寺裏萬株芳一道清流照雪霜
銀闕森森廣寒曉仙人玉仗有天香

次韵兩蘇公講筵唱和四首

白髮歸聯侍從榮未應江海歎飄零
禽魚不與釣天觀想見羣龍舞洞庭
李公素譽壓朝端會泝龍門鬣未乾
雖愧彭宣惟

賜食未慙貢禹亦彈冠

纘服憂勤未有言諸儒經術侍彤軒
九疇咸敘今

天錫三畫何人咎夢吞

金玉誰人詠德音太平無象屬人心
日高初散露門講天上五雲宮殿深

復至凝祥池上

去歲相攜此地遊西風垂果奉靈湫
春工變化渾無跡紅滿枝條綠滿洲

題工部文侍郎周翰郭熙平遠二首

漁村半落楚江邊
林外秋原雨外天
誰倚竹樓邀大艣
天涯暮色已蒼然

洞庭木落萬波秋
說與南人亦自愁
欲指吳松何處是
一行征雁海山頭

呈文潛

無計河西尋杜家
海棠空詠去年花
煩君爲謝郭

少尹欲買纏頭迎犢車

郭明遠妓尤知名

和文潛二首

阮籍空貪步兵酒
陽城猶戀集賢書
飽知世事非

人力可是因玄更
泊如

索米彊知當世策
種芝欲訪隱人書
未應只有鄰邦約
投老相看事事如

謝王立之送蠟梅五首

未教落素混冰池
且看輕黃綴雪枝
越使可因千里致
春風元自未曾知

恐是凝酥染得黃
月中清露滴來香
定知何遜牽詩興
借與穿簾一點光

上林初就詔羣臣
紫蒂同心各自新
誰見小園深

雪裏破春一夢更驚人
詩報蠟梅開最先小匳分寄雪中妍水村映竹家
家有天漢橋邊絕可憐

去年不見蠟梅開准擬新年恰恰來芳菲意淺姿

容淡憶得素兒如此梅

立之家
小鬟

和文潛試院道舊

璧月照歌淮上舫姚花引醉福昌城何如閭闔門
西北臥聽秋風枕畔聲

夜聞慎思吟諷

疎林小雨月朧明商頌琅琅半夜聲鄧子弓彊殊
未發欲馳桑本犯堅城

赴廣陵道中三首

醉臥符離太守亭別都絃筦記曾稱淮山楊柳春
千里尚有多情憶小勝

南都雷守使雙鬟
勸酒小勝其字也

急鼓蓼蓼下泗州却瞻金塔在中流帆開朝日初
生處船轉春山欲盡頭

楊柳青青欲哺鳥一春風雨暗隋渠落帆未覺揚
州遠已喜淮陰見白魚

出城三首

視邵伯
堽新堤

桃欲呈紅柳弄陰
麥田青已沒
鞦深春堤細雨籃
輿溼婆餅焦聲在竹林

故國龍舟休水調
高城雉堞尚雲間
蜀岡朝雨如
輕霧不見春江草外山

堆案文書無子畢
竝堤船舫且縈回
非關董役年
年事自爲春郊得得來

揚州雜詠七首

船商不入古鹽溝
疏鑿纔爭土
一杯未說與圩灌

田事且還歌吹舊揚州

雷陂新作麥田荒
曾說風興沒兩郎
誰似當年李
刺史春波還引句城塘

欲穿九曲通淮子
只費春夫數日工
但見荷花三
十里何須更有大雷宮

蜀岡茶味圖經說
不貢春芽向十年
未惜青青藏
馬鬣可能辜負大明泉

阜茨村南三里許
春江不隔一程遙
雙堤鬪起如
牛角知是隋家萬里橋

龍興寺裏青雲翰后土祠中白雪葩五百年間城
郭改空畱鴨脚伴瓊花
楊徐僭盜雄圖熾高呂陵夷霸氣闌猶有崐岡作
龍虎千秋原廟奉衣冠
十里題僧法芝鐘山詩後
明珠出袖四百非座有煙霞草木香斷取鐘山擎
石掌那知不下淨名床

復和定國惠竹皮枕謔句

老來山水興彌深不在長安俠少林它日只爲林

下計不將錦被作呻吟

和荅曾敬之秘書見招能賦堂烹茶二首

玉泉吟鼎月隳輪姑射風標兩絕塵只欠何郎窗
畔雪戎葵爲我作餘春

一盃分來百越春玉溪小暑却宜人紅塵它日同
回首能賦堂中偶坐身

守蒲過洛息十歲時侍先君寓居泣滄成詩

建春門外柳依依迸淚當年綵服嬉窮子更無逢

父日匿王空記看河時
先君欲築伊川意四十年間萬事非他日一屨從
可卜白頭持此欲安歸
澗池道中
虎狼敵國易良圖望見將軍要引車不畏秦疆畏
廉鬪古來只有藺相如

王泉次韵提刑毅甫送茶

魚羔煮餅漸宜秦愁絕江南一味真健步遠梅安
用插鷓鴣金盞有餘春

次韵閻仲甫郎中病起二首

伏波七十老鰲弧薏苡何曾適病軀高臥輪公無
一事評詩投画是功夫

說略軒裳陶隱居肘書百卷事寧軀茯苓日長東
山澀早晚柴車命僕夫

宿采石追懷沈丘叔父

過銅陵南望九華詩劉汝北於一錄

連日順風十里五必無山和然詩味蘇金

皖口遭風

馬當風濤中

大風過彭浪磯

題彭郎小姑祠

江心望彭澤作

過分江口

湖口

大孤山祠

題廬山

開先寺前望瀑布

栖賢寺三峽橋

舊說廬山有紫芝田百畝人莫得見偶於

開先栖賢林中步兩日各得一枚正紫

如玉戲成

宮亭神甚靈云有婢名如願以借客有所

宮求叩如願卽獲神又能於湖心分風使
上下各得順風故劉刪詩云回艦蔡派

水舉掉逐分風也兩日各發一外五

彥魯瀟字號卷余擢爲開封第三用彥魯

詩韻

孔雀院後蒙泉

貴溪徐氏招隱園管王表避亂居此山依

大之者數千家其詩云逍遙入南斗者也

遇赦北歸

移竿山五杉歸植里弟

皖口寄懷前太守陳公度

鍾山有石故名

初上安仁灘清見毛髮其中奇石五色可

撥拾也從縣令借圖經溪曰雲錦溪村

曰玉石村

弋陽道中

齊山怪石森聳其西峯曰小九華

次韵無極以道寄金山寺佛鑑五絕

清口懷應書時雪中舟行漸遠正發
舟中即事森翠其西峯曰小水華
魚溝遇大水

祝家墩阻水旦起舟人云天上風花順矣

作一絕外絕今附圖對矣曰雲巖突林

懷緜居二載青貝子受其中倚可正身何

欲求閑局理舊學作

初望廬山

由開先萬杉栖賢羅漢入城南康守云惜

君未至紫霄峯也因以此答

望香爐峯

題周廉彥所收李甲畫三首

鵲

雁

鴨

松菊堂讀史五首

仲光寄紵袍

寄家人

詩家人

中興寄

休濟堂

韻

韻

韻

濟北晁先生雞肋集目錄終

濟北晁先生雞肋集卷第二十一

七言絕句

東皋十首

屋名盡掛陶家榜人物應慙菊畔身解作文章肯

歸去不應陶後說無人

郭外朝陽一巷斜青槐廳事帶丘麻路逢扶繆雙

童問不是城東太尉家

小閣高原最上頭下床莫遣許公差如今老罷欄

邊意不是元龍百尺樓

壁間最好管丘筆臥看三峯憶舊過夢入幽林小
谿去絕勝千騎向南柯莫數精神公蓋吹今豈謂
新植青桐小逕成兩行萱草一時榮春風百卉芳
非盡長夏幽花却稱情飄華帶立麻卻豈非
登登策策不須呼時動圓荷觸短蒲五步濠梁亦
堪樂相忘何必是江湖飄飄蓬蒿良稱非文章肯
四海洋逢兩弟兄百年膠漆幾張陳紅塵陌上相
逢子華髮林間偶坐身屬无
尺五城南未足高只今小杜更飄飄算煙疎雨從

君勝玉子文楸聽我饒

屬天達

李君禪味詩情裏解作黃金不潤身目斷白衣檐

酒闌何妨聊破一鑪春

屬子宜

城市何妨亦隱淪賈君無意向紅塵東皋瓜豆如

雲處慊我幽棲不卜鄰

屬煥叔

卽事

半刺還爲權刺史朝衙不坐坐鈴齋按頭通事通
何事昨夜東園芍藥開

望金陵

雞川集 二
龍盤虎踞望南津餘烈崢嶸尚霸陳醉者不知風
揭屋可能楊素是江神

金陵南數十里江心烈山崢然特起猶金山
也家人云安得隱於此作一絕

山如浮玉一峯立江似海門千頃開我欲此中成
小隱莫教山腳有船來

采石李白墓

客星一點太微傍談笑青蠅玉失光載酒五湖狂
到死只今天地不能藏

宿采石追懷沈丘叔父同應詔渡此今二十
七年矣而叔父謝世補之方遠適泣涕成篇
二十七年前應詔黃昏同上木蘭舟江山依舊人
琴寂白首南遷淚迸流

過銅陵南望一山高出雲上奇秀可駭余未
嘗至江南遽曰此九華也問之言是坐對羣
雲端忽露碧孱顏如髻如簪縹緲間驚駭舟中齊
舉首不言知是九華山

昔日連日順風行魚龍黑氣自掛鸞舟今賦醉西

卷之三十一
三十一
管日肩吾上國行魚龍黑浪自堪驚我今顛頓西
風穩却是江神不世情

歛起驚濤渺去程扁舟三日滯長汀無心坐使羣

鷗舞莽眇吾知未可察

莊周云察莽眇之外
身出六合之外
想余未

本賦馬當風濤中

從祖管爲州別駕上書嘗欲徑縱陽棗危更覺思
遺跡慙愧篙師戒馬當

大風過彭浪磯

立妹父同賦
語對出今二十

山東江窟方崒起江盤山過却重回無風此水常
呼洶正用風狂水鬪來

五石題彭郎小姑祠

峽原峯百石高
融爲戰敵買

山與磯名從地志姑兼郎號出江民世間稱謂無
真實聞說雙祠自有神

道盡江心望彭澤作

平費出出
洲中北間
難感無

青山缺處大江奔江口山顏見縣門一世定無紆
戀處故應來此著琴樽

不計過分江

其日神日
嵐山自北
極斷對西
不

不行盆口更湖口明日廬山自此過猶恨西江不
窮覽沅湘聞道亦無波

青山湖口大武奔山口山險長隸門一世安無孫
彭蠡宮亭浸全楚號呼噴吐出喉中此間曠蕩無
窮水何處還容地火風

山與大孤山祠志故兼浪盡出武只世間無
江吞湖卷氣俱豪崛起孤峯百仞高歸爲嬋娟買
絲屨却應還我所忘刀

山東題廬山詩或云盤山巖壁重回無風北水常

南康南麓江州北五百僧房綴蜜脾盡是廬山佳
絕處不知何處合題詩

開先寺前望瀑布
白虹畫下崑崙頂半入青林久不回下洞水輪穿
地底冰崖吼怒却重來
大千栖賢寺三峽橋來
絕壁秋標天外劔深溪冬吼地中雷上宮未信無
人到朱閣飛從頂上來

舊說廬山有紫芝田百畷人莫得見偶於開

先栖賢林中步兩日各得一枝正紫如玉戲
人區成一首對面土來

千古芝田人不到深林繼日拾瓊瑰從今為記晁
夫子曾到芝田百畷來

宮亭神甚靈云有婢名如願以借客有所求
白地叩如願即獲神又能於湖心分風使上下各
得順風故劉刪詩云回艫乘派水舉棹逐分

蘇東坡風賦

同舟自古無胡越南北東西路不同不問宮亭借

如願只求四面與分風

魯彥字號卷余擢為開封第三用彥魯韻

寂寂醒醒誰得知萬重故紙壓須彌不緣饒舌豐

千道拾得山間底小兒

孔雀院後蒙泉

檐頭山作屏當砌石眼泉為鏡照窗我亦困蒙如
可擊此泉從戶到西江

王表貴谿徐氏招隱園管王表避亂居此山依之

康谷者數千家其詩云逍遙入南斗者也

鬼谷西來一丈清三山箕拱慰高情時平尚欲依
王表南斗道遙畢此生管王表幾遍試北山於之
百攀遇赦北歸西武幾日拾遺從從
山猶故險水猶奔無復前年濺淚痕自是人心隨
境別櫓聲帆色盡君恩
千首移箬山五杉歸植里弟
定丘一壑感歸心過盡青山幾茂林自載五杉如
碧鳳欲看春雨舞庭陰
破曉口寄懷前太平守陳公度
龍舒人

常愛東陵早拂衣我行曾不叩荆扉憑君天柱峯
頭望看我扁舟幾日歸

鍾山有石故名

江上秋濤噴玉巖風鏤月鍊白雲緘爲君一叩無
人境要聽洪鐘出萬杉

初上安仁灘清見毛髮其中奇石五色可掇
拾也從縣令借圖經溪曰雲錦溪村曰玉石

村

行盡江南最遠山却尋千越上清灘秋晴雲錦溪

中過玉石瑰奇一萬般
千日千程不厭行
一丘一壑可隣生
常憂束縛名
韁死聞健尋山却稱慵
八就齊山怪石森聳其西峯曰小九華
山上有山俱龍從谷中通谷更哈呀借君筇杖穿
奇嶮直至西峯小九華

次韵無極以道寄金山寺佛鑑五絕
埋頭塵土欲忘年
重過初禪第一天
唯有兒童見

河性不將老面共蒼然

不應無手是無拳
且看毛端現四天
似向吾家得消息
鼓山餘響尚轟然

鷲子猶應昧此緣
室中那有久如天
饒師擲過三千界
浮玉西津故儼然
無極世緣如嚼蠟
人言當住夜摩天
此郎久學無生忍
此事吾知否不然

鼓角聲中特地傳
只今鼻孔已撩天
不應常作裴休諾
掄口何妨也默然

於菴清口懷應書時雪中舟行

蚤歲單舟此水濱
雪花都蔽引舟人
重來五馬真何事
笑雪空成鬢上春

無舟中即事

終日平沙望渺瀰
青林何許近漁磯
波衝側岸淡蒲靡
一點穿人翠碧飛

魚溝遇大水

沙行水宿幾江南
石鬪龍求久已諳
秋水故應旋面目
順流東望為君慙

祝家墩阻水旦起舟人云天上風花順矣作

一絕

依依牛馬辨平沙
三日扁舟近祝家
明日揚颿應復駛
蒸雲散亂作風花

懷緝居

自種雙桐已四年
秋來匏瓠小籬穿
上床不怕陳登歎
我欲歸求許汜田

欲求閑局理舊學
作事不人門
向來各

莫求致仕且分司
此等劉伶笑婦兒
投老寸陰如

寸玉從君了事只名癡
隱劍英融只對茶
故園歷歷眼中分
非禹誰教不入門
何處功名有成
遂玉初不獻足猶存

自前初望廬山
平烟來曉曉
小鷲窠土和
休說江南青未了一菴
一徑可容身
宦程正迫西風急
未是廬山竚足人

由開先萬杉
栖賢羅漢入城南
康守云惜君未至紫霄峯也
因以此荅

南康南麓江州北
五百伽藍似蜜脾
萬室千門俱

面勢不應獨是紫霄奇
一夢中興問何取
更許讓

無望香鑪峯
草木開

危樓曲徑羣岩遍
蠟屐青鞵到處逢
更上五峯雙劍表
香鑪依舊半天中

題周廉彥所收李甲畫三首

上林花妥逐鶯飛
愁絕江南雪裏時
嗶喞何須旁檐喜
毯毳相對雨寒枝

右鵲

網羅無限稻梁微
憐爾冥冥亦庶幾
戲鴨眠鳧滿

中泚衡陽無意更南飛
冥冥亦無幾翅
詎知長
右雁

急風吹雪滿汀洲
迎臘淮南憶倦游
小鴨枯荷野艇冷
去年今日凍高郵
山南雲裏報雙
曾何
更安

歐右鴨
次李甲畫三首

歐未松菊堂讀史五首

不作文饒將相官野人亦聖
黨人間籌邊措國俱無用
空對平泉草木閑
吾慕斯人不以官會昌一夢中
興間何須更作窮

愁誌秋雨長時睡正閑

明光甲挫三言內
悉怛謀虧一算間
成敗關心不瞑目
我今無此只應閑

平生精爽皋夔內
一世功名貝錦間
再夢令狐亦何事
可能到死未心閑

當年伏地全楊李
公亦何知愛惡間
千古論心許公近
百年歸意與誰閑
幽
謝
泰
彌
雲
公
不
對
車
執

仲光寄紵袍

手裁白紵製新袍
犢鼻應憐犬子勞
倚仗衡門聊

服此良人身不屬臨洮

寄家人

孟光家世自清芬鴻亦幽情慕隴雲汲水挽車歸

去好茯苓日日長松根

何事可銷滌天未少關

平土辭爽舉襲內一卦也各貝輪開再夢公

鄭目非今無此只現

照光甲對三言內悉對精部一

濟北晁先生雞肋集卷第二十一

濟北晁先生雞肋集目錄

第二十二卷

絕句

子固席上雪得芟字

泊舟山陽偶題

及第後將謁告先歸畱贈成甫

貴溪在信州城南其水西流七百里入江

遊龍虎山舟中望仙巖壁立千仞者不可

上其高處穴中往往如困倉棺榔云蓋

仙人所居也余意大水人宅山上所作
泊息禪寺呈廖明略其地蓋于越寺在琵琶洲上

和雜酒十二弟見隆羌赴闕

和洛筍小發

叔與戲云謂我窮我嘗傷食從而嘲之

將別歷下二首

將行陪貳車觀燈

定陶舟中

栗區村與无斃別
與子真諸人飲求仁不預作怨詩因戲荅

題穀熟驛舍二首

送永嘉縣君回至鹿邑東門外作

謫宋徒毫初聞周璠琵琶

題伯時畫

虹縣逢无斃自玉山歸二首

省曹夢游山示无斃

東坡公以種松法授杜子師為作詩子師

東求同賦蘇公詩外卦千兩為計精于賦

自畫山水畱春堂大屏題其上

自畫山水寄正受題其上首

次韵芸叟文潛體之觀音院題名

贈許體之蘇州觀音院

呈毅父提刑同至鎮江

十月九日初謁衛真大清真宮二首

寄李成季人曾於二不

累得周同年鏐書

譙都對酒憶玉函山

題段吉先小景三首

綴古詩懷家

題僧曇秀鍾山雜詠後

赴齊州道中

題袁耕道所收小飛來

讀蘭相如傳贈李甥師蘭

濟北晁先生雞肋集目錄 終

清江雜錄

張氏村前

春風

張氏村前

春風

春風

濟北晁先生雞肋集卷第二十二

七言絕句

子固席上雪得芟字

新霜一夜草如芟午酌臨軒雪點衫不怕夷門清

著骨故教詩句聳巉巖

王山泊舟山陽偶題

五歲淮山一夢新扁舟曾繫市橋春津亭石磴雙

垂柳見我依依似故人

及第後將謁告先歸畱贈成甫

還家消息約薔薇眼看薔薇日日稀不踏龍頭遊
碧落君恩許伴晚鸞歸

正始貴溪在信州城南其水西流七百里入江雙
玉山東去不通州萬壑千巖隘上游應會逐臣西
望意故教溪水只西流

出遊龍虎山舟中望仙巖壁立于仞者不可
上其高處穴中往往如困倉棺槨云蓋仙人
所居也余意大水人宅山上所作

稽天巨浸洗南荒尚有千峰骨立彊民未降丘應

宅此舉頭天壁有困倉山與水共不曾動

中水泊思禪寺呈廖明略其地蓋于越寺在琵琶

洲上
遲君于越思禪寺彌月忘歸住翠嵐忽見琵琶洲
止月始驚全室在天南

羊和雜酒十二弟見降羌赴闕
二鳥蒙恩豈有知車書混一
是昌期知君不化伊
川祭右倚門牆恐見麾

和洛筍小發不飄不韻山望吾會

叔夜青山肯長往不應石髓化山堅君會籙龍纔
小發恐君心未老伊川

二息叔與戲云謂我窮我嘗傷食從而嘲之
羊踏胸中昨夜疏不應捫腹怪如壺婦家得餽猶
須忍莫索檳榔笑爾臞

數昔將別歷下寺首
來見紅蕖隘渚香歸塗未變柳梢黃殷勤趵突溪
中水相送扁舟向汶陽
鴛鴦鸚鵡繞漁梁搖漾山光與水光不管使君征

掉遠依然飛下舊池塘

將行陪貳車觀燈

行歌紅粉滿城歡猶作常時五馬看忽憶使君身
是客一時揮淚逐金鞍

安陶舟中

繚繞春堤去欲窮參差煙塢到還通依依潤柳侵
晨雨細細吹花傍午風

栗區村與無斃別

十年投分皆卿相四海論心只弟昆老憶躬耕困

隨牒春風揮淚粟區村
與子真諸人飲求仁不與作怨詩因戲荅

結習徐看蕩劫灰天花從自落空堦似聞滿室唯
澄水投礫何因出定來

題穀熟驛舍二首

驛後新籬接短牆枯荷衰柳小池塘倦游對此忘
行路徒倚軒窗看夕陽
一官南北鬢將華數畝荒池淨水花掃地開窗置
書几此生隨處便為家

送永嘉君回至鹿邑東門外作

冬溫榆柳未全彫黃蝶飛飛綴野蒿華髮不堪悲
世故斜川歸興滿東臯

謫宋徙毫初聞周璠琵琶

棗園僚慄檜廳寒醉倚琵琶倒鶻冠不似江州白
司馬只成怨恨不成歡

題伯時畫

單于射獲明妃笑勸酌蒲萄跪小胡不恨別宮昆
莫老應憐超蔡子南夫

虹縣逢無斁二首 自玉山歸

清河慘執汴河逢 萬里悲歡一夢中 不作常情問 京雒魚山好在故園松

千載昌期尚此逢 詢謀多在布韋中 南歸已後鍾

山集猶憶君王代 塵松 鄭譏對陳主鍾山陳主與松枝令代塵尾

省曹夢游山示無斁

萬里歸來兄弟樂 百年多病井廬思 如何騎馬穿靴地 只夢登山著屐時

東坡公以種松法授都梁杜子師并為作詩

子師求余同賦 對下

不學栽橙業種松 未慙履狶笑屠龍 許君盡得東

坡術 已與先生一事同

長錐散子巖巖遍 短竹扶條歲歲添 待得烹茶有

松葉 不應更課木奴繅

佩牛未敢邀君出 射虎何當許我從 要看堂堂冠

劔 叟蒼然十萬甲 夫中田未諳閑自撒 麥翻無

自画山水畱春堂大屏題其上

胸中正可吞雲夢 盞裏何妨對聖賢 有意清秋

一作

扶入衡霍爲君

一作毛錐

無盡寫江天

賀正詩

自画山水寄正受題其上

其上

虎觀它年青汗手白頭田畝未能閑自嫌麥隴無

佳思戲作南齋百里山何當補述外要香室室

次韵芸叟文潛體之觀音院題名

壁上棲鷗粉剝紅萍游無定得風同故人妙墨何

人識文豹依依霧雨中

贈許體之

樓下無心臥許公求田已約算年同詩來正值花

如雪心事春風浩蕩中

呈毅父提刑

不酌公榮有意哉可能元亮此公儕但讀離騷政

須酒不應須爲菊花來

十月九日初謁衛真太清宮二首

虛庭下拜初形肅祕殿瞻容更魄驚何必囊函窺

至妙始知塵垢負平生

帷間角塵千年白庭下髯獮三點青當日藥雲無

馬跡只今遺木盡龍形

吳州集
六之廿二
寄李成季

聞驅傳節向秦關何日重來玉筍班猶勝譙都拙
司馬苦無官況不教閑

譙都司馬拙依然翻手爲雲絕可憐唯有鳳翔周
錄事手書連月寄同年

木西譙都對酒憶玉函山

齊州西樓對此山

不遣西樓對玉函宋譙頻綴副車銜今年重汗花
前酒猶是揚州別駕衫

題段吉先小景三首

慘澹天雲欲雨低秋山人靜鳥聲稀似聞谷響飛
黃葉恐有孫登半嶼歸

人生何事踏塵埃閒處胸襟足自開不作終南養
高價小山幽桂好歸來

碧天無際日悠悠風靜沙平不見洲彭浪磯邊亦
如此危峯獨木繫扁舟

綴古詩懷家

山巖二十首

二月已破三月來蝴蝶忽然滿芳草正是歸時君

不歸及至君來花又少
題僧曇秀鍾山雜詠二十首後

明珠出袖四百琲
坐有煙霞草木香
斷取鍾山擎石掌
邨知不下淨名床

淮南蒙召鬢毛斑
乞得東秦慰病顏
曉整輕鞍汶陽北
却衝微雨看青山

題袁耕道所收小飛來
藏山常恐負而走
壺中九華安在哉
憶似冷泉亭

畔見爲君題作小飛來

讀藺相如傳贈李甥師藺

蚩蚩六國共憂秦
獨有相如智不羣
完璧東歸何足道
最賢能下怒將軍

濟北晁先生雞肋集卷第二十二

濟北晁先生雞肋集目錄

第二十三卷

挽辭

欽聖皇后挽辭二首

欽慈皇后挽辭二首

王拱辰太尉挽辭二首

趙開祖挽辭一首

蔡州叔父金部挽辭五首

蔡州叔父金部挽辭別二首

秦國夫人挽辭安門下母二首

秦國夫人挽辭三首

任承制挽辭一首

濟北晁先生雞肋集目錄終

濟北晁先生雞肋集卷第二十三

挽辭

欽聖皇后挽辭二首

神開大馬表坤祺象配黃龍耀母儀艱棘從權非
本意憂勤復辟竟先期欲書皇極葬倫事不在關
睢卷耳詩陵作因山名改聖君王仁孝自生知
蒼黃大策中先定洵涌姦言外獨驚可但觸山憂
地坼只應鍊石見天成江湖自谷波濤遠日月如
今晝夜明盡作兒啼送文母不知簫鼓若爲聲

欽慈皇后挽辭二首
仙馭飄飄不可尋
西陵寶冊綈衣衾
禮遵章懿因
仁志謚酌欽慈
自聖心感泣萬人隨
遣奠恩勤千古
訕徽音一言能使民
忠勸要識吾君孝
治深
弓鞬它年事炳靈
紅光滿室衆潛驚人
言薄氏誠
君子天與文皇兆
大橫聖有至情風
不止邦傳慶
祚日重明百神陪
扈朝陵寢想像登輿
動珮聲

王拱辰太尉挽辭二首

賈山辭賦妙升堂
十八高名擅雒陽
遭主聖人千

載事濟時賢獻萬夫望
已加壇上將軍鉞未促齊
中相國裝曾有新詩介
眉壽悲歌何忍送歸牆
童年已切耆英慕壯歲
初陪後蔡遊衛幕橐弓皆
廣建梁筵進牘竝枚鄒
雲臺生面丹青古馬鬣
新封草木秋是事公應
付蝸甲蒼霞誰見揖浮丘

趙開祖挽歌辭

萬里歸來兩鬢霜
故人如玉閔幽堂
淒涼長吉無
題句冥默淮南未
試方空復藏書如
冊府何由載
酒更僧坊諸郎
文字能傳業開
府風流未渠央

蔡州叔父金部挽歌辭五首
風流未染火
文詞蚤歲諸儒上
操行當朝國士期
清世急賢千
載事白頭齋志一
州麾
省中共幞青綾出
關內同驅五馬行
何許書來一
千里西風淮上淚
縱橫
青史他年羨二疎
功成脫屣向迷塗
薄遊竟後拋
官約常愧都門長
大夫
聞道一厘親卜築
亦求百畝伴鉏犁
邨知湖海歸
來日只及鄉閭會
葬時

竝直儀曹前後廳當簷種竹已青青
平生不試南宮筆
可忍圖公地下銘

蔡州叔父金部挽辭別二首

書來猶勸還鄉早
路梗誰令去棹遲
曾綴鏘金拜先壘
可堪扳衽送靈輻

學比我公常恐後
身於餘子似蒙知
心驚竝直儀曹夜
淚盡孤吟海浦時

西風秦國夫人挽辭安門下母二首

瓜瓞傳仙裔
鳴鳩媿積功
龍章看子貴
鶴髮與夫

同揄翟丹青裏珠襦鼓吹中秋原送車淚斜日起
西風

城南塞冠蓋哀挽送何人吉卜郊連浚恩封國號
秦相碑空復古蒿里不知春應奪居廬念朝廷佇
弼臣


昔來秦國夫人挽辭三首
指李仙源後與唐帝胄餘家傳湖北句人誦嶺南
書知子唯賓客揚名屬起居平生操史筆遺事一
歛歔

相國家風獨夫人壺範如寶珎宜服象文錦合軒
魚感慨溫成議光華慶壽餘非夫聞敵退應愧此
生虛

酷好春秋學親書列女篇胡兒吟敢竝逸少字方
傳餘事猶閨範高材自世賢凱風君莫誦秋柏已
成阡

任承制挽辭劉校勘槩求作

生業清談外浮名痛飲餘誰令力如虎坐使食無
魚壁冷猶鳴劔床空未卷書呻吟待河澗秋柏只



卷之二